


t 028





人天堂鑑

全



是集諸佛氏妙藥救世  
 之書更能令病者服之  
 即愈玉音梵咒  
 跋之徒亦得除瘴四明  
 道人步云久歷胡海



永壽三十四年七月十七日於善堂中寫不二果句畢  
 于時予病中對室前遠望權法而有感念業報而聞  
 法先僅十有一年雖平日出處二後正色刹那間  
 笑呵人世亦若斯即有如願多事自出到去廿歲不  
 然生死下世權指如非夢莊子視權權乎一付之取亦真  
 新開仙公二十七歲



此集備嘗無不悉矣

正年刊行以制後世

余案而序之

六月望日蘭庭劉鼎

宋理宗帝

人天寶鑑序

竊聞先德有善不能昭昭於世者後學之過也如三  
教古德於佛法中有一言一行雖載之碑傳實錄及  
諸遺編而散在四方不能周知徧覽於是潛德或幾  
無聞愚嘗出處叢林或得之尊宿提倡或訪求採摭  
凡可以激發志氣垂鑑於世者輒隨而錄之總數百  
段目曰人天寶鑑不復銓束人品條次先後擬大慧  
正法眼藏之類且昔之禪者未始不以教律為務宗  
教律者未始不以禪為務至於儒老家學者亦未始  
不相得而徹證之非如今日專一門擅一藝互相詆



譬如水火不相入。意古者之行非難行也。人自菲薄。以謂古人不可及。殊不知古人猶今之人也。能自奮志於其間。則與古人何別。今刊其書。廣其說。欲示後世學者。知有前輩典刑。咸至于道而已。高明毋謂焉。紹定三年結制日。四明沙門曇秀序。

唐曇光法師

大善禪師

左溪

五臺無相

天台韶國師

智者顓禪師

兜率悟律師

真宗廢寺

法昌遇禪師

法智尊

圓通訥禪師

梁武帝

遜思邈

付郎楊億

張文定公

傾禪師

帝顏首座

梵法主

慈雲式法師

龍湖聞禪師

仗錫已禪師

辯才淨法師

丈容楷禪師

智者顓禪師

大智律師

靈源清禪師

侍郎張九成

和菴主

曹山章禪師

法雲秀禪師

孤山園法師

東坡先生

樊三藏



相國裴休

劉遵民

王日休居士

靜上坐

道士吳契

大隋真禪師

廣惠璉禪師

光教安禪師

明教嵩高禪師

南山宣律師

智者顓禪師

廬山遠法師

為山祐禪師

淨因臻禪師

證悟智禪師

東山能行人

汾陽昭禪師

真人張平叔

真人呂洞賓

給事馮楫居士

趙清猷公

仰山宗禪師

道法師

晦菴光禪師

沙門波若

正言陳了翁

石壁寺韶靖二法師

海月辯都師

高麗義天僧統

天竺悟法師

晦堂心禪師

徑山主僧法印

高僧可久

楊次公

玄沙備禪師

文潞公

普首座

愚法師

東坡居士

靈芝照律師

大惠禪師

冶父川禪師

德山密禪師

攄菴嚴法師

昔有一尊宿

古德浴室偈

分菴主

靈源清禪師

佛灯珣禪師

秀州暹禪師

圓照本禪師

仰山圓禪師

大惠禪師

石窓恭禪師

牧菴朋法師

無畏久法師

大惠禪師

圓覺慈法師

南岳讓和尚

雪堂行和尚

黃太史

簡堂機禪師

隱山与灵空書

詹叔義上財賦表

宗空光禪師

長灵卓禪師



孝宗賜佛照手詔

慈光朴禪師

法智尊者

黃竜心禪師

宏智覺禪師

歐陽文忠公

馮谿川居士

北峯印禪師

資壽總禪師

道曇法師

郭道人

伊亮權禪師

東山潤禪師

別峯印禪師

丹霞淳禪師

成都照覺祖首坐

韓退之

舒王問佛惠

秦國夫人升

二祖神光

永明壽禪師

人天寶鑑

唐德宗問曇光法師曰僧何名爲寶對曰僧者具有

六種以寶稱之一頓悟自心超凡入聖得名禪僧二

解行雙運不入世流得名高僧三具戒定慧有大辯

才得名講僧四見聞深實舉古驗今得名文章僧五

知因識果慈威並行得名圭事僧六精勤功業長養

聖胎得名常僧帝大悅遂詔天下度僧

大善禪師南岳高第也修法華禪門得慈悲三昧時

衡陽內史鄭僧果雖每遇縣令陳正業稱揚師德而

鄭略無信向意一日同陳出獵園鹿一羣鄭謂陳曰



公嘗稱大善禪師有慈悲三昧力今日其鹿如何陳  
即率左右數人同聲念曰南無大善禪師即時羣鹿  
騰空而出於是內史媿伏國清石刻

左溪尊者諱玄朗烏傷人從學天宮威法師得旨後  
栖身巖谷或猿獼來以捧鉢或飛鳥至以聽經唯十  
八種十二頭隨如是處者三十年若其細行修身悉  
徇律制故李華云禪無私長不見身相戒淨無玷不  
假外儀講不待衆誨人無勸居止偏廈食無重味夜  
披尋聖典未嘗空秉一燈日非瞻禮聖容未嘗虛  
行一步一彎多羅四十餘年一尼師壇終身不易未

嘗因利說一句法未嘗爲法受一毫財本傳

五臺山無相禪師禮佛示衆曰汝輩才見泥像便如  
香米相似曾無意謂殊不知已躬分上各各有一尊  
虛空來大小古釋迦古觀音日夜在汝六根門頭放  
光動地四威儀內同出同入未嘗纖毫相離何不學  
禮取者箇佛却去泥團上作活計汝若禮得者箇佛  
即是禮汝自心汝雖是顛倒妄想之心從本已來直  
至今日廣大清淨迷未嘗迷悟未嘗悟與佛如來更  
無欠少只爲汝貪著緣境所以有生有滅有迷有悟  
若能一念回光便乃即同諸聖故云佛在爾心頭時



人向外求內懷無價寶不識一生休又不見華嚴法  
法師道我會得即心自性如今凡修行動靜無不與  
稱自性底道理相應故我終日禮佛不作禮會終日  
念佛不作念會且道華嚴作甚麼會者恰如善財  
入毗盧樓閣證不思議自在境界相似末後却道我  
歷一百一十城參五十三善知識見種種境界聞種  
種法門皆無有實譬如有人於睡夢中見種種事從  
睡覺已乃知是夢諸禪德善財雖向夢裏認得箇昭  
昭靈靈依前落在陰界若是頂門具眼肘後有符釋  
迦彌勒是乾屎橛文殊普賢是博地凡夫真如涅槃

是繫驢繫一大藏教是拭瘡疣紙有甚樓閣可入境  
界可證其或未能如是且向他夢裏禮取一拜半拜  
通行錄

天台韶國師處之龍泉人受具後刻意咨參殊無所  
入至曹山隨眾而已因僧問法眼曰十二時中如何  
得頭息萬緣去法眼曰空與汝為緣邪色與汝為緣  
邪言空為緣則空本無緣言色為緣則色心不二日  
用果何物為汝緣乎韶聞悚然有省復有禪者問如  
何是曹源一滴水法眼曰是曹源一滴水韶聞大悟  
法眼曰汝當大闡吾宗毋滯於此遂遊天台睦然有



終焉之意時吳越忠懿王以國子刺台州雅聞師名  
嘗遣使迎之申弟子禮王一夕夢被人斷頸驚疑不  
釋遂決於韶韶曰非常夢也主字去却一點不父爲  
王吳王曰若果符此無忘佛恩漢乾祐元年王嗣國  
位尊韶爲國師時天台智者教法自會昌之變碩德  
隱耀所有法藏多流海東螺溪寂法師通將蕙聞力  
網羅之先於金華藏中僅得淨名一疏而已後因忠  
懿王覽內典昧教相請扣於韶韶稱寂洞明天台之  
道遂召寂建講王乃喜特遣十使抗海傳寫以還由  
是教法復振殆今不墜者韶寂二師之力也開寶四

年六月二十八日順寂于華頂峯是夜星隕于地天  
降大雪師之涅槃異相難以盡紀具如燈禪師行業  
等記

智者顓禪師示衆曰同學取禪師在南岳衆中苦行  
禪定最爲第一輒用衆一撮鹽作齋飲用所侵無幾  
不以爲事後行方等忽見相起計三年增之至數十  
斛急令陪備仍賣衣資買鹽償衆此事悲矣亦非僧傳  
聞宜以爲規莫令後悔吾雖寡德行遠近頗相追尋  
而隔剎難爲徒步老病出入多以衆驢迎送若是  
吾客私計功醺直令彼此無益吾是衆主驢亦我得

傳



既捨八衆非復我有我不合用非我何言此一條  
餘事皆余國清百錄

輟  
○  
慧率枯律師從學普寧律師持已精嚴日中一食禮  
誦不輟後住慧率嘗問道徑山琳禪師琳見其著心  
持戒不通理道因戲謂曰公被律縛無氣急乎悟曰  
根識暗鈍不得不縛望師憫而示之琳與婆修盤頭  
嘗一食不卧六時禮佛清淨無染爲衆所歸二十粗  
閑夜多將欲度之問其徒曰此頭陀精修梵行可得  
憐乎其徒曰精進如此何故不可夜多曰汝師與道  
遠矣縱經塵劫皆虛妄之本其徒不憤謂夜多曰尊

者蘊何德行而譏我師夜多曰我不求道亦不顛倒  
我不禮佛亦不輕慢我不長坐亦不懈怠我不一食  
亦不雜食我不知足亦不貪慾心無所之名之曰道  
婆修聞已獲無漏智琳遂厲聲喝一喝云直饒與麼  
猶是鈍漢悟於言下心意豁然喜躍而拜曰不聞師  
誨爭解知非今當持而不持持無作戒更不消著心  
力也辭行回室丈室屏去舊習獨一禪味講倡之外  
默坐而已俄一夕召明靜法師至曰擇悟得徑山打  
破情執至今無一點事在胸中今夜欲入無聲三昧  
去也由是寂然竟今長寂通行錄



真宗嘗欲廢太平興國寺為倉詔下之日有僧陳突  
以謂不可廢上遣中使諭旨曰不聽廢寺即斬仍  
以劍示之祝曰僧見劍怖懼即斬不然即赦之中使  
如所誠僧笑引頸曰為佛法死實甘詔之上悅于  
遂免韓子蒼曰今時有如是僧乃可稱衲子石門集  
法昌遇禪師臨漳高亭人父棄家有大志遊方名著  
叢席浮山遠公指謂人曰此後學行脚樣子晚於分  
寧之北千峯萬壑古屋敗垣遇安止之衲子時有至  
者皆苦其作勞未嘗有一語委曲以示其徒學者不  
能曉其意又不能與之同憺泊辛苦悉皆引去以故

單丁住山而晨香夕燈陞堂說法至是不廢叢林所  
服玩者無不備龍圖徐禧歎曰無眾如有眾真本色  
住山將化前一日遇作偈遺曰今年七十七出行須  
擇日昨夜報龜哥報道明朝吉徐覽偈憐然邀靈源  
同往至彼已寂然矣汀江集

法智尊者諱知禮年至四十常坐不卧足無外涉修  
謁都遣一日謂諸徒曰半偈忘羈一句投火聖人之  
心為法如是吾不能捐捨身命以警發解怠胡是言  
哉於是結十僧修法華三昧期滿三載共焚其身時  
翰林楊億致書確請住世復以欣厭意而興難斷金



者答曰終日破相而諸法皆成終日立法而緣慮必盡揚公復致問曰風吟寶樹波動金渠是何人境界答曰只此見聞更無道理公又問法華梵網皆魔正所說答曰佛之與魔相去幾何公知不可以義屈亦不可以言留乃致書慈雲俾自杭至明回海其議又委州將保護無容以焚是年公請師號於朝真宗召楊問之公因奏師遺身事上嘉歎之重諭楊曰但傳朕意請留住世即賜法智之號由是願行不得施矣復修光明懺為順寂之期方五日趺坐召眾曰人之生必有死蓋常分公汝等當勤修道勿令有間

從吾之訓猶吾之生也言畢稱佛而逝教行錄等圓通訥禪師梓州人性端靖澁衆有法律已精嚴夜必入定初叉手自如中夜漸昇至膺侍者每曉此以候天明仁宗聞其名詔住淨因訥以疾辭舉璉以自代召對大悅賜大覺禪師至英宗嘗賜手詔天下寺院任性住持璉不言鮮有知者及東坡制宸奎閣記移書審之云宸奎閣碑謹已撰成衰朽廢學不知堪上石否見參寥說禪師出京日英廟賜手詔其略曰任性住持者不知果是否切請錄示全文欲入此一節璉答云無及寂乃得於書笥中坡開云非



得道之士安得有此蘊藉坡閣記云師雖出世之人而持律甚嚴上賜龍腦鉢師對使者焚之曰吾法以壞色衣以瓦鉢食此鉢非法使者歸奏上嘉歎久之師居處服玩可以化寶坊也而皆不爲獨於都城之西爲精舍容百許人而已

梁武帝問誌公曰朕萬機之暇修諸善事還有功德也無誌曰有即有非真功德帝曰何謂其真誌曰性淨明心體自空寂是真功德帝因有省故先聖有言若能靜坐一須臾勝造河沙七寶塔寶塔畢竟化爲塵一念淨心成正覺通行

師  
真人孫思邈京兆人幼聰慧日誦萬言善莊老尤篤志釋典年百五十歲嘗隱終南山不食飲食唯服鉛汞與宣律師友善議論終日嘗書華嚴經時唐太宗欲讀佛經問邈曰何經爲大答曰華嚴經佛所尊大帝曰近玄奘三藏譯大般若六百卷何不爲天而八十卷者猶爲大乎答曰華嚴法界具一切門於一門中可演出大千經卷般若經乃是華嚴一門耳帝悟從是受持釋氏類說

侍郎楊億書寄李維內翰其略曰假守南昌適會廣慧禪伯齋中務簡退食多暇或坐邀而至或命駕從



之請扣無方。蒙滯頓釋。半歲之後。曠然弗疑。如忘忽  
 記。如睡忽覺。平昔破膺之物。爆然自落。積劫未明之  
 事。燿亦見前。固亦決擇之洞分。應接之無蹇矣。重念  
 先德率多參尋。如雪峯九度上洞山。三度上投子。遂  
 嗣德山。臨濟得法於大愚。終承黃蘗。雲巖多蒙道吾  
 訓誘。乃為藥山之子。丹霞親承馬祖印可。而作石頭  
 之裔。在古多有。於理無嫌。病夫今繼紹之緣。實屬於  
 廣慧提激之自良。出於鼇峯也。忻幸因僧談道侍郎  
 遂云。大凡參學人。十二時中。長須照顧。不可說禪道  
 時。便有箇照帶底道理。日用作務時。不可便無也。如

鷄抱卵。若是拋離。起去。暖氣不接。便不成種子。如今  
 萬境森羅。六根煩動。略失照顧。便喪身命。不是小事。  
 今來受此緣生。被生死繫縛。蓋為塵劫已來。順生滅  
 心。隨他流轉。以至如今。諸人等。且道若會喪失。何以  
 得至如今。要識露地白牛。麼。試把鼻孔拽看。又云。釋  
 迦老子於靈山會上。目顧迦葉。謂大眾曰。吾有正法  
 眼。分付摩訶迦葉。又道。我於四十九年中。不曾說一  
 字。此是什麼道理。若是諸人分上。著一字脚。不得為  
 諸人。各各有奇特事在。喚作奇特。早是不中也。我道  
 釋迦是敗軍之將。迦葉是喪身失命底人。汝等且怎



生會不見道涅槃生死俱是夢言佛與衆生並爲地  
誣直須恁麼會取不要向外馳求若也於此未明敢  
道諸人乖張不少侍郎臨終前一日親寫一偈與家  
人令來日送達李駙馬處偈曰漚生與漚滅二法本  
來齊欲識真歸處趙州東院西駙馬接得偈云泰山  
廟裏買紙錢

天聖廣燈

張文定公前身爲琅邪知藏僧書楞伽未終而卒誓  
云來生當再書後知滁州遊琅邪山周行廊廡殊不  
忍去氏藏院忽感悟指梁間經函云此吾前身事也  
令取而視之乃楞伽經與今生所書筆畫無異嘗讀

至世間離生滅猶如虛空華智不得有無而興大悲  
心遂明已見偈曰一念存生滅千機縛有無神鋒輕  
舉處透出走盤珠暮年出此經示東坡居士仍以其  
事語之坡題其後刻石金山

頤禪師秦之龍城人初得法於天聖泰和尚晚依黃  
龍南禪師南見其所得語當甚遇之令住全之興國  
開堂遂爲南之嗣至夜夢神告曰師遇惡疾即是緣  
盡言畢而隱閱十三白果患大風屏院事歸龍城之  
西爲小庵庵成養病其中頤有小師名克慈父依楊  
岐亦禪林秀出老歸以侍病奉禮至孝乞食村落風



雨寒暑盡師一世而後已。願一日謂慈曰：吾之所得，  
實在天聖和尚。晚見黃龍道行兼重心所敬慕，故為  
嗣之。豈謂半生感此惡疾，今幸償足。昔神仙多因惡  
疾而得仙道，蓋其割棄塵累，懷穎陽之風，所以因禍  
而致福也。吾不因此事得有今日事，如今把住也。由  
我放行也。由我把住，放行總得自在。遂噓一聲，良父  
而逝。闍維異香，徧野舍利無數。舟峰錄

希顏有坐，字聖徒，性剛果，通內外學，以風節自持。遊  
歷龍巖，隱故廬，跡不入俗，常閉門宴坐，非行誼高潔  
者莫與友也。名公貴人累以諸利招之，堅不答。時有

童行名參也，欲為僧侍，左右顏識其非器，作釋難文  
以却之，曰：知子莫若父，知父莫若子。若予之參已非  
為僧器，蓋出家為僧，豈細事乎？非求安逸也，非求溫  
飽也，非求蝸角利名也，為生死也，為眾生也，為斷煩  
惱，出三界海，續佛慧命也。去聖時遙，佛法大壞，汝敢  
妄為？小寶梁經曰：比丘不修比丘法，大千無唾處。通  
慧錄曰：為僧不預十科事，佛徒勞百載，為之不難得  
乎？以是觀之，予濫廁僧倫，有詒於佛，況汝為之邪？然  
出家為僧，苟不知三乘十二分教，周公孔子之道不  
明，因果不達，已性不知稼穡艱難，不念信施難消，徒



飲酒食肉破齋犯戒行商坐賈偷姦博奕觀鰓院舍  
車蓋出入奉養一已而已悲夫有六尺之身而無智  
慧佛謂之癡僧有三寸舌而不能說法佛謂之啞羊  
似僧非僧似俗非俗佛謂之烏鬼僧亦曰禿居士標  
嚴故曰云何賊人假我衣服裨販如來造種種業非  
濟世舟航也地獄種子也縱饒彌勒下生出得頭來  
身已陷鐵圍百刑之痛非一朝一夕也若今爲之者  
或百或千至于萬計形服而已篤論其中何有哉所  
謂鷲翰而鳳鳴也碌碌之石非玉也蕭蕭艾榮非雪  
山忍草也國家度僧本爲祈福今反責以丁錢示民

於僧不然使吾徒不足待之之至也只如前日育王  
璉永安菴龍井淨靈芝照一狐之翼自餘千羊之皮  
何足道哉於戲佛海穢滓未有今日之甚也可與智  
者道難與俗人言

梵法主嘉禾人棄家謁神悟法師梵解行兼備爲法  
檀度晚住北禪嘗乞食於市或告止之梵曰先佛遺  
規末世當行非謬事也梵持身御衆悉有律度故其  
法席典刑冠於西浙嘗訓其徒曰十二時中四威儀  
內皆有受用法門若不研心體究如說而行舉動皆  
成魔業且展鉢時曠野鬼神嘗受飢虛聞比丘擊鉢



聲益增飢火其苦愈重故佛有誠須令身心寂靜然  
後受食施之故清規有棄鉢水祝祝曰唵摩訶羅細休  
娑訶百文單傳心印者猶徇細行況吾祖兼毗尼夫白大巾  
之教者乎汝澡浴時尤不可忽昔有比丘因戲笑  
不修正念後感沸湯相潑之報故先聖令系心觀察  
常發願語我今澡浴身體當願衆生身心無垢内外  
光潔舉此二條餘事皆令汝等日用得不競競業業  
退步省思善用心矣通行錄

慈雲式法師云予與四明法智為友四十餘年及終  
不得一哭於寢門之下嗟嘆之不足乃詠歌之句云

天上無雙月人間只一僧覽諸無謂吾厚於所知薄  
於所不知但見其解行有卓卓出入之異寄極言以  
暢所懷異者何也一家教部毗陵師所未記者悉記  
之四三昧人所難行者悉行之雖寒暑相代脅不至  
席六十有九而終其疾且頓而行道講訓無所間然  
門徒請寔不從及死舍利莫知其幾噫非知之艱行  
之為艱也

龍湖聞禪師唐僖宗太子眉目風骨清真如畫僖宗  
鍾愛之然以其無經世意百計陶寫終不回唯慕霜  
華之風夢寐想見中和元年天下大亂遂斷髮逸遊

浴善休



人無知者造石霜諸禪師諸與語嘆曰汝乘願再生  
帝王家脫身從我真火中英蕞至夜聞入室懇曰祖  
師別傳事肯以相付乎諸曰勿謗祖師聞曰天下宗  
旨盛大豈妄爲之邪諸曰待按山點頭即向汝道聞  
即日辭去至邵武城外見山鬱然深秀遂撥草而進  
見一苦行隱其中欣然讓其廬曰上人當興此長揖  
而去不知所之聞遂憩止十餘年一日有老人謁曰  
我非人龍也以行兩不職上天有罰賴道力可脫於  
是化爲小蛇緣入袖中至夜風雷挾坐榻山岳震搖  
而聞危坐自若平明開竅蛇墮地而去頃有老人謝

曰非大士之力爲血腥穢此山矣念無以報厚德當  
穴巖下爲泉他日衆多永水今所以延師也泉今爲  
湖因以名焉寺記碑

仗錫已禪師與浮山遠公遊嘗卓庵廬山佛手巖後  
至四明山心獨居十餘載虎豹在前以定力故曾無  
懼色嘗曰羊腸鳥道無人到寂寞雲中一箇人介後  
道俗聞風而慕住山四十餘年脩然無毫髮之儲冬  
夏一布衲唯以創業爲任經營積累作成禪林凡衆  
之宜有者大備之獨不營文室而與衆共處蓋師不  
以私室宴安爲意也有知事蘊躬伺師遠出潛爲建



之達觀穎禪師時主雪竇聞之嘆曰若非本色宗匠  
不能有其良輔非良輔無以尊道師之德介依錫

觀碑

辯才淨法師杭之於潛人生而左肩肉起如袈裟條  
八十一日乃滅父嘆曰是宿世沙門無奪其願長當  
事佛及師之終實八十有一殆其筭也出家後凡見  
法坐其下音通華曰吾願登此說法度人首謁慈雲日夜勤力  
學與行進不數年其高第慈雲沒復事明智韶  
講止觀至方便五緣曰淨名所謂以一食施一切供  
養諸佛及衆賢聖然後可食師聞之悟曰今日乃知  
五緣上  
一持法信淨  
二閑居寂靜  
三衣食具足  
四即緣緣五  
世力合  
五近禪知許

色聲香味本具第一義諦由此遇物中無疑矣時沈  
公叔才治杭以謂觀音道場講懺爲佛事非禪那所  
居乃命師以教易禪師至吳越人歸之如佛出世事  
之如養父母金帛之施不求而至居天竺二十四年  
有利其實者迫而逐之師欣然舍去不以爲恨天竺  
之衆分散四去事聞於朝明年俾復其舊師龜隱而  
還如不得已衆復大集清獻趙公與師爲世外交見  
之而讚曰師去天竺山空鬼哭天竺師歸道場光輝  
復留二年一日告衆曰吾祖智者聖人也猶以急於  
化入害於已行住本鐵輪而證止五品況吾凡夫也

友勉



哉謝去老於南山龍井之上以茅竹自覆閉門宴坐  
寂然終日葉落根榮如冬枯木風正波定如古澗水  
故人以訥名之師嚴於持律講說不擇晝夜嘗曰鬼  
神威德不具畏人晝說或不得至此夜人靜庶幾能  
聽嘗焚指供佛左三右二僅能以執其徒有欲効者  
輒禁之曰如我乃可東坡一日謂曰北山如師道行  
者有幾師曰僧人密行者多非元淨所能測之龍井

雜碑

芙蓉楷禪師示衆曰山僧行業無取忝主山門今欲  
略効古人爲住持體例共報佛恩與諸人議定更不

下山不赴齋不食化主唯將本院莊課一歲所得均  
作三百六十分日各一分用之更不隨人增減可以  
備飯則作飯作飯不足則作粥作粥不足則作米湯  
新到相見茶湯而已務要省緣專一辨道雖然如是  
更在諸人從長相度山僧也強教爾不得諸仁者還  
見古人偈廢山田脫粟飯野菜淡黃齋喫則從君喫  
不喫任東西何方語錄

智者顓禪師示衆舉古德住山每令執爨者煮粥一  
日爨者觀火燒薪念念就盡無常遷逝復速於是即  
於竈前寂然入定數日方起往坐所具陳所證叙



法轉深上坐曰汝前所言皆我境界今所說者非我  
所知勿復言也遂問汝得宿命否答曰薄知又問何  
罪為賤何福致悟答曰往世曾住此山因有客率侵  
衆少菜由此譴責今為衆奴前習未忘故易悟國  
清百錄

大智律師比丘正名曰梵語苾芻華言乞士內則乞  
法以沾性外則乞食以資身父母人之至親最先割  
捨鬚髮人之所重盡以削除富溢七珍棄之尤同草  
芥貴尊一品賤之何啻煙雲極厭無常深窮有本欲  
高其志必降其身執錫有類於枯藁擊鉢何殊於破  
器

器肩披壞服即是弊袍掛串絡囊便同蒲袋清淨活  
命已沾八正道中儉約修身即類四依行內九州四  
海都為遊處之方樹下冢間悉是栖遲之處攀三乘  
之逸駕蹈諸佛之遺蹤稟聖教以無違真佛弟子遇  
世緣而不易實大丈夫可以戰退魔軍揮開塵網受  
萬金之勝供諒亦堪銷為四生之福田信非虛託乞  
士之義斯之謂歟芝園集

靈源清禪師門榜其略曰惟清名曰住持實同客寄  
但以領徒弘法仰助教風為職事今若其常住所管  
財物既非已有理不得專一委知事僧徒分局主執

綱



明依公私合用支破惟清止同衆僧齋糲隨身餅鉢  
任緣去住而已伏想四方君子來有所須顧寢食祇  
接之餘別難供應蓋以彼所管者世法則屬官物佛  
教則爲衆財偷衆財盜官物以買悅人情而取安已  
有實非素志之所敢當預具白聞冀垂恕察石在  
天章

侍郎張九成居士發業進士之暇篤志釋典謁靈隱  
明禪師扣宗要明日正當磨礱器業奮發功名詎能  
究死生事乎公曰先儒有言朝聞道夕死可矣然世  
出世之法初無有二先朝名公由禪門得道者不知

其幾曾何儒釋之異師既爲斯道主盟安用設詞拒  
我邪明嘉其誠勉應之曰此事須念念不捨久久緣  
熟時節到來自然契悟復令看僧問趙州如何是祖  
師西來意州云庭前柏樹子久無所入謁胡文定公  
咨盡心行已之道胡告以將語孟談仁義處類作一  
處看則要在其中公稟受其語造次不忘一夕如廁  
諦思惻隱之心仁之端也正沉默間忽聞蛙鳴不覺  
舉庭前柏樹子驀有省頌曰春天夜月一聲蛙撞破  
虛空共一家正恁麼時誰會得嶺頭脚痛有玄沙公  
偶見別書題像云黑漆盧竹篋佛來也一棒由是願



閻擊

見甚力公<sub>（官ラリ）</sub>平還朝遷至禮部侍郎聞妙喜入城<sub>（官ラリ）</sub>以  
不值妙喜<sub>（後平）</sub>報<sub>（後平）</sub>寒溫外無別言歸謂<sub>（後平）</sub>參徒曰張侍郎  
有箇得處其徒曰聞相見不會說著禪字胡為知之  
妙喜曰要我眼作甚麼公奉祠得請詣徑山問格物  
之旨妙喜曰公只知有格物而不知物格公因指徐  
曰豈無方便妙喜曰不見小說載唐人與安祿謀為  
叛者其人先為閻守有畫像在焉明皇幸蜀見之怒  
令侍臣以劍擊其首<sub>（後平）</sub>其人在陝西首忽墮地公聞之  
恍如夢覺題于壁曰子韶格物妙喜物格欲識一貫  
兩箇五百公從是參道得法自在曠然無惑嘗感歎

與

緇

曰凡聞徑山老人所舉因緣無不豁然四達如千門  
萬戶不消一踏而開或與之聯輿接席登高山之上  
或緩步徐行深水之中非出常情之流真能知吾二  
人落處九成了末後大事實出徑山老人而此辨香  
不敢孤負公貶南安一十四年播釋典解儒書至有  
初子經過必勘驗為禪悅之樂末嘗以得失芥蒂而  
識者莫不高其風服其達公有書答中丞何伯壽略  
曰元成與徑山往還太熟抑亦有由按諸故事裴公  
夷之師黃檗韓退之之師大顛李習之之師藥山白  
樂天之師烏巢楊大年之師廣惠李和文之師慈明



東坡之師照覺山谷之師晦堂無盡之師堯卿抑之  
與夫老嫗頭陀念南無洗厠籌等邪徑山心地一死  
生窮物理至於侗儻好義有士夫難及者天日在上  
安可誣也若好交名士欲以吾儕取重於世者此盜  
賊之所爲介而謂斯人爲之乎既蒙警誨自當稟承  
蓄疑于心非平昔受知門下輒倒胃中盡布左右惟  
高明察之公北還至贛州妙喜亦從梅陽來聯舟東  
下妙喜日提宗要公退謂諸參徒曰今日不是九成  
老和尚安肯傾倒禪河使諸公得與聞乎公鎮永嘉  
虛光孝禪席以函翰至福唐西禪淨禪師曰佛法離

披父矣自徑山老人移嶺外學徒無歸今朝廷清明  
老人北還是有興隆之期而九成於此道實曾撞著  
故於此間欲求一二明公大家舉倡以警昏瞶正欲  
吾師慧然當吾之請或以謂西禪厚光孝薄淨必不  
來爲此說者是以俗情待左右矣然吾以此非佛法  
興替如吾師有意興之大家出半臂力不勝幸甚公  
之推誠衛法備見於此聞道傳

和庵主姑蘇人也性高潔與世龔然嘗遊湖湘不  
且過時交禪師亦預席和見其沉厚不語終夜危坐  
心竒之和顧問曰子萬里殊塗何孤飛邪交曰昔有



一二今絕之和曰何爲絕之友曰一者以拾遺之  
施於衆予曰學道人眡此當如糞土則可子錐拾以  
施入是未忘利二者有母貧病棄之而學道予曰學  
道雖超過佛祖不孝亦奚爲哉不孝爲利者皆非吾  
友也和敬其賢遂與之遊和誓曰我二人効隱山輩  
向孤峯頂上盤結草庵目視雲漢爲世外之人毋墮  
流俗交遂爽盟住天童往訪之和不顧正言陳叔異  
關書堂爲庵獨居二十年幡然無長物唯二虎侍右  
嘗有言曰竹筧二三升野水聽聞七五片閑雲道人  
活計只如此留與人聞作見聞書藏記




守仙大和尚手澤本也

人天寶鑑


永正辛酉

全四冊










t 028









曹山章禪師泉州人得祕旨於洞山价和尚初受請  
止撫之曹山道法大振學者雲委僧問國內按劍者  
是誰山云曹山僧云擬殺何人山曰但有一切總殺  
曰忽逢本父母作麼生山曰掠甚麼曰爭奈自己何  
山曰誰奈我何曰爲什麼不殺曰勿下手處復有紙  
衣道者自洞山來章問如何是紙衣下事曰一裘才  
挂體萬事悉皆如章曰如何是紙衣下用道者近前  
叉手脫去章笑曰汝只解恁麼去且不解恁麼來僧  
忽開眼曰一靈真性不假胞胎時如何章曰未是妙  
僧曰如何是妙曰不借借其僧下堂中而化時洪州

問



鍾氏屢請不起。但書大梅山居一首答之。天復辛酉  
季夏夜間知事。今日是幾對曰。六月十五章曰。平生  
行脚只管九十日。爲一夏。明日辰時。吾行脚矣。及時  
焚香告寂。僧寶傳 合九十則依本字

法雲秀禪師。秦州人。前生與魯和尚厚善。一日謂曰。  
我死後相尋我於竹鋪坡前。其家生兒魯。往視之。兒  
爲一笑。三歲願隨魯出家。生有異相。軒昂萬僧中。凜  
然如畫。嘗以怒罵爲佛事。時司馬溫公方登庸。以吾  
法太盛。欲經營之。秀曰。相公聰明人類英傑。非從佛  
法中來。何由致此。而一旦遽忘佛囑。平公意回。又李

伯時工畫馬。不減韓幹。秀呵之曰。汝士大夫以畫名。  
況畫馬乎。期人誇以爲得妙。他日妙入馬腹中矣。作  
時於是絕筆。又魯直好作艷詞。人事傳之。秀曰。翰墨  
之妙。甘施於此。魯直笑曰。又當置我於馬腹中邪。秀  
曰。汝以艷語。淫動天下人心。不止馬腹。正恐墮泥犁  
中。語錄

孤山圓法師。以奇才與學。翼贊經論。盈於千萬。高卧  
西湖之濱。權勢不得屈貴。驕不得傲。世俗不得友。是  
時文穆王公至錢塘。郡僧悉迎。關外慈雲遺教孤山  
同往。圓以疾辭。笑謂使者曰。爲我致意慈雲。錢塘註



却一僧子聞者歎美圓每多脾疾牀上敷筆硯半起  
半卧著述不倦一日告衆曰吾年四十有九已知任  
世不<sub>レ</sub>及若死毋擇地厚葬以加罪我也汝宜陶器合  
而葬之及終自屬祭語云謹以湖山雲月之奠祭于  
中庸子之靈汝本法界之元常<sub>レ</sub>實圓之妙性<sub>レ</sub>尚  
無動靜之眈<sub>レ</sub>今豈有去來之跡<sub>レ</sub>今泊乎七竅鑿而混  
沌死<sub>レ</sub>今六根分而精明散<sub>レ</sub>今遂使汝見自心而與外  
境異<sub>レ</sub>今孰生存與死滅<sub>レ</sub>兩<sub>レ</sub>今擾擾乎不可止也昏昏  
乎不可照也吾嘗欲復混沌歸精明<sub>レ</sub>今乃於非<sub>レ</sub>幻法  
中假作<sub>レ</sub>幻說<sub>レ</sub>且非<sub>レ</sub>幻尚無<sub>レ</sub>幻法豈有哉汝中庸子亦

以微領其旨汝既受於幻生必當受於幻死故吾託  
幻軀有<sub>レ</sub>幻病口占<sub>レ</sub>幻詞使<sub>レ</sub>幻弟子執<sub>レ</sub>幻筆成<sub>レ</sub>幻文以  
預祭汝<sub>レ</sub>幻中庸子且欲<sub>レ</sub>令無窮人知<sub>レ</sub>諸法如<sub>レ</sub>幻也夫  
如是則如<sub>レ</sub>幻三昧在焉嗚呼三昧亦<sub>レ</sub>幻也尚<sub>レ</sub>享<sub>レ</sub>趺坐  
而逝閑居

東坡曰先妣方娠夢僧至門<sub>レ</sub>瘠而眇<sub>レ</sub>軼十餘歲時時  
夢身是僧又子由與真淨文壽聖聰二師在高安夜  
間同叙見戒禪師之夢則戒之後身無疑坡與真淨  
書曰前生既是法契願痛加磨勵使還舊觀坡往金  
山值佛印入室印云者裏無<sub>レ</sub>端明坐處坡云借<sub>レ</sub>師四



大作禪牀印云老僧有一問若答得即與四大爲禪  
牀若答不得請留下玉帶坡即解腰間玉帶置案上  
云請師問印云老僧四大本空五陰非有端明向甚  
處坐坡無語印召侍者留下玉帶永鎮山門印以衲  
裙酬之坡賦二絕句云病骨難堪玉帶圍鈍根仍落  
箭鋒機會當乞食歌姬院裴相國衣衲中換得雲山  
舊衲衣又曰此帶閱入如傳舍流傳到我亦悠哉錦  
袍錯落渾相稱乞食狂老萬回唐則天賜錦袍玉帶與萬回和向出

詩注

契主藏法師年二十七往西域求法自秦蘭涼三州

而行至瓜州出玉門關外有候望者居之漸至沙  
河惡鬼異類不可勝數始念觀音猶未遠去及誦心  
經發聲皆散至訖伽河畔遇群賊賊相謂曰此沙門  
形兒端美若以祭神得非吉也令上壇欲揮刀法師  
語曰吾已知不免願待少時令我安心取滅師乃想  
念慈氏願得生彼聞諸妙法成就通慧還來下生先  
度此人令修勝行想念未畢驚雷掣電飄風折木賊  
大懼謝罪而散本傳

相國裴休河東人守新安日屬運禪師初於黃檗山  
捨衆入大安精舍混迹勞侶公入寺因觀壁畫乃問



主事是何圖相答曰高僧真儀公曰真儀可觀高僧  
何在主事無對公曰此間有禪人否答曰近有一僧  
投寺執役頗似禪者公命至覩之欣然曰休適有一  
問諸德文詞今請上人代酬一語運曰請相公問遂  
舉前問運朗聲曰裴休公應諾運曰在甚麼處公當  
下知旨如獲髻珠公曰吾師真善知識示人剋的若  
是何汨沒於此邪自是申弟子禮復請住黃檗公既  
通徹祖心復博綜教相諸方禪學咸謂裴相不浪出  
黃檗之門傳燈

劉遺民名程之彭城人漢楚元王之後祖考為晉顯

官事母以孝聞丞相桓玄太尉謝安嘉其賢欲薦於  
朝公辭之謁廬山遠公厥後雷次宗周續之同來栖  
遯遠曰諸公之來盍為淨土之遊乎遂命公作誓辭  
以識盛事社賢百餘人十八人為最公又拔乎其萃  
者公凡念佛時見彌陀佛身紫金色以臨其室公愧  
幸悲泣曰安得如來為我手摩其頭衣覆其體乎俄  
而佛為摩頂且引袈裟以覆之他日又見身入七寶  
大池其池蓮華青白相間其水澄澈無有畔岸中有  
一人指池水曰八功德水汝可飲之公飲永甘美及  
寤猶覺異香發於毛孔公曰此吾淨土之緣至矣誰



爲六和之衆與我證邪少頃緇徒咸集公對尊像焚香再拜祝曰我以釋迦遺教故能知有阿彌陀佛此香先當供養釋迦如來次供阿彌陀佛至於十方佛菩薩衆願令一切有情俱生淨土願畢乃三扣齒長跪而卒廬山集

道蒙法三滿入心身清淨

王日休居士龍舒人性行端靖少補國學俄歎曰西方之歸爲究竟介從是布衣蔬食日課千拜以嚴淨報或曰公旣志念純一復何事苦行邪答曰經云云平非少福德因緣得生彼國若不專心苦到安能決定往生居士在家持戒甚嚴坐必宴寂卧必冠帶面

目奕奕有光望之者信其爲有道之士也居士將順世徧別親故且勉進淨業至夜厲聲稱佛名倡言佛來接我屹然立化怡雲并聶允迪記

靜上坐初參玄沙得旨後居天台三十餘年不下山博綜三學操行孤立禪者問曰坐時心念紛飛願師示誨靜曰汝當心念紛飛時却將紛飛之心以究紛飛之處究之無處則紛飛之念何存返究究心則能究之心安在又能照之智本空所緣之境亦寂寂而非寂者蓋無能寂之人也照而非照者蓋無所照之境也境智俱寂心慮安然此乃還源之要道也



道士吳契初號之朱陽人爲河清令以部使者所  
隱于嵩山尋遇石季先生吳問曰虛無之道可得聞  
乎石曰先覺有五無漏法眼不視意在肝耳不聞精  
在腎舌不聲神在心鼻不香魄在肺四肢不動意在  
脾五者相與混融化爲一氣聚于三關名曰鉛汞但  
身中求之不必求於他也吳稟受訣父之功成偶遊  
西岳邂逅紫陽先生謂曰子之所得固可佳若不明  
性道徒勞無益吳曰予能追二氣於黃道會三性於  
元宮對境無心如如不動復何性道之說邪紫陽以  
圓覺經示之曰此是釋氏心宗宜熟味之他日知所

趨嚮信吾不食言也吳乃信受一日誦至由寂靜  
十方世界諸如來心中顯現如鏡中像俄感歎曰  
從前閉門作活今日掉臂行大道由是徧歷禪會咨  
決之後謁單州東禪林和尚吳問曰佛性堂堂顯見  
住相有情難見若悟本來無我我面何如佛面學人  
悟則悟已爲甚不見佛面東禪拈拄杖打出吳方開  
門豁然有契頌曰驀然覩破祖師機開眼還同合眼  
時從此聖凡俱喪盡大千元不隔毫釐仙苑蓮事  
大隋真禪師梓州鹽亭王氏子族本簪纓妙齡夙悟  
決志尋師遂隴下見藥山道者次謁大滙服勤衆務



食不至充卧不覺清苦鍊行履操不羣大滿常器  
乏滿一日問日子在此不曾問一轉語真曰教某甲  
向甚處下口滿云何不道如何是佛真便作手掩  
滿山口勢滿歎曰子真得其體矣尔後輒旋西蜀嘗  
於要路煎茶普施三年偶過後山見一古院號大隋  
山中有一樹圍四丈餘南開一門不假斤斧宛成一  
庵師乃居之時人曰木庵獨居十餘年聲聞遐  
著蜀王三召不從其師孤風無由一見遣內侍齎師  
號寺額等賜師不受凡三度送至師確意却之王再  
遣使出勸云此回禪師準前不受當誅卿也使若再

往懇拜云禪師若更不受某必受戮師乃受之師示  
衆曰老僧不為名利來此須要得箇人不可青山白  
雲中趁爾是非將來之世捨一報身草也無喫諸禪  
德老僧行脚時到諸方多是一千少是三百衆在其  
中經冬過夏未省時中空過白溪山會裏做飯七年  
洞山會中做柴頭三年重慶即便先去只是了得自  
己時中干他人甚麼事如諸佛菩薩皆是積劫勤苦  
方得成就似諸閻梨還會捨得甚麼身命作得甚麼  
勤苦便道我會出世間法世間法尚不會遇些子境  
界便自張眉努目消容不得說什解脫法長連牀上



坐不搖十指喫他信施了合眼合口道我修行成果  
如是非獨謾自己亦謾諸聖既在三衣下直須親近  
知識了辦大事不可又入輪回六趣去也若是得自  
在底人論甚麼鑊湯爐炭驢胎馬腹於中如喫美食  
相似若未得如是便實受此報一失人身再求欲似  
今日萬中無一不見古德問僧何者為最苦僧云受  
地獄者為最苦古德云此未是苦出家不明理為最  
苦介古人恁麼說話血滴滴地當自銘心時時警策  
莫令後悔語錄

廣慧璉禪師示衆多勸人疎財利薄口體不可貪好味好又云若欲

取

學道先須貧苦鍊行若不介者欲得道成無有是處  
及璉示寂召衆曰老僧尋常只教爾疎財利薄口體  
道業無有不辦何故一切罪業皆因財寶所生一切  
垢染皆因口體而起老僧一生不蓄財不別衆食非  
是老僧分外底事乃佛有戒辭親出家誠心達本解  
無為法去世資財乞求取足日中一食樹下一宿此  
是佛之明訓安可背違我若要足衣食覓自在何不  
為俗隨所任運又何須假佛形服破滅法門作甚麼  
既為釋子當行釋行不可道我有福有緣縱意造業  
帶累師僧父母同入地獄今時有般知識自眼不正



開口欲斷人命根觸著便懷毒蛇心行見利見名如  
蠅子見五一般永無放捨者般底也道我會禪會道  
行棒行喝苦哉汝輩行脚切須著眼珍重言訖而逝  
舟車錄

光孝安禪師永嘉人弟氏少莊重不喜喧囂父異之  
令出家往台之雲峯結茅而居長坐不卧一食終日  
不衣曾廣唯壞衲以度寒暑尋謁部國師師問曰三  
界無法何處求心四大本空佛依何住爾向甚處見  
老僧安曰今日捉敗和尚師曰是甚麼安掀倒香臺  
而出師器之安一日閱華嚴至於身無所取於修無

所著於法無所住過去已滅未來未至見在空寂到  
此豁然入定經旬餘方從定起身心爽利頓發玄秘  
安以華嚴李長者釋論旨趣宏奧因將合經成一百  
二十卷盛行於世忠懿王嚮師道望命住越之清泰  
安不樂從務唯宴坐丈室如入大定一日定中見二  
僧倚殿檻語話有天神擁衛傾聽久之俄有惡鬼唾  
罵復掃脚跡及詢倚檻僧所以乃初論佛法後談世  
諦安曰閑論尚介況主法者擊鼓陞堂說無益事邪  
自是終身未嘗談世故安死闍維舌根不壞柔軟如  
紅蓮華葉傳燈通衍



明教嵩禪師藤州人得度後嘗戴觀音像誦其號已  
十萬聲於是世間經書不學而能得法洞山聰公慶  
曆間至錢塘樂湖山稅駕焉所居一室翛然無長物  
清坐終日非修潔行誼者不可造也師之道妙學者  
器近不能曉悟師亦不少低其韻撫徇其機歎曰安  
能真鑒以就方枘聞之聖賢所爲得志則行其道否  
則言而已言之行由是爲萬世法使天下學者識度  
修明遠邪林游正涂奚必目擊受之謂己之出邪即  
閉關著書書成携之京因內翰王公素獻之仁宗  
又爲書先焉上讀至臣爲道不爲名爲法不爲身

護

歎愛其誠旌以明教大師賜其書入藏既送中書時  
韓魏公琦覽之示歐陽文忠公公方以文章自任以  
師表天下又以護宗不喜吾道見其文謂魏公曰不  
意僧中有此郎黎明當一識之魏公同往見文忠與  
語終日遂大喜自韓丞相而下莫不延見尊重之由  
是名振海內遂買舟東下大覺璉公賦白雲謠以將  
師之行白雲人間來不染飛埃色遙爍太陽輝萬態  
情可極嗟嗟輕肥子見擬垂天翼圖南誠有機去當  
六月息寧知細縕采無心任吾適天宇一何寥舒卷  
非留跡歸老於永安精舍示化茶毗得六根不壞者



三頂骨出舍利紅白晶潔狀若大菽嗚呼使其與奪之不公辯說之不契乎道則何以臻於是矣不門行

終南山宣律師初生齊朝名僧護居越之剡錫彌勒後次生梁名僧祐後生隋名道宣其祖湖州人父爲陳吏部尚書隨駕入長安生于京兆母氏夢月貫懷而娠又梵僧語其母曰仁所懷者即梁祐律師宜令出家弘宣佛教及下髮剋苦勵志唯求聖法嘗載寶函繞塔行道願求舍利降於函中七日果獲感應由是益精其志日唯一食長坐不睡樂入禪定貞觀四

勵

百目聞不橫臥行道

一字終公重字平

年在清官寺行般舟定感天龍給侍之水示以白泉於安居日嘗發誠禱若坐夏有功願垂異相後庭中果生芝草師因勞苦發疾天王授以補心藥方因告師曰今當像末諸惡比丘廣造伽藍不修禪慧亦不讀誦縱有智者十有一二後在西明寺深夜行道足跌前階聖者扶足師問是誰答曰北天王之子勅令侍衛師曰貧道修行無煩太子太子威力自在天世有可作佛事者却願教之太子曰我有佛牙長三寸闊一寸寶之久矣密授與師宜加保護師乃晝藏地穴夜捧行道人莫得知唯弟子綱律師密見其蹤欲



揚之師曰信根淺薄謂吾妖妻唯我與子乃可知耳

師與天神往來甚衆喜問靈蹤聖軌隨問隨錄集為

感通傳記乾封二年春二月有神告曰師將報盡當

生彌勒內宮并留香一累此天上棘林之香帝釋所

焚者是年冬十月有<sup>行字</sup>三日空中天樂花香迎請而逝

別傳等記

眼金

智者顓禪師姓陳潁川人生有重瞳年十五於長沙

像前誓求出家於禮佛時恍然如夢見山臨海山頂

有僧招手曰汝當居此汝當終此既寤精誠愈至年

十八投湘州果願寺法緒出家<sup>叔</sup>受具戒精通律藏

二百五十四

兼修禪定時慧思禪師武津人名行高重遙飡風德

不啻飢渴其地乃陳齊兵刃所衝重法輕生涉險而

法思曰昔日靈山會一同聽法華宿緣所追今復來

矣即示普賢道場說四安樂行於是昏曉苦到如教

研心于時勇於求法貧於資供切怕代香捲簾進月

月沒則燎之以松柏<sup>香</sup>盡則繼之以栗<sup>香</sup>經二七日誦法

華至藥王品諸佛同讚是真精進是名真法供養如

來到此一句身心豁然入定持因靜發照了法華若

高暉之臨幽谷達諸法相似清風之遊太虛將證白

師師更開演自心所悟及從師受四夜進功功逾百

其ヨウスヲチマ  
ナクヨリ月ナキモ  
ナクヨリ月ナキモ



年思歎曰非爾莫證非我莫識所入定者法華三昧  
前方便也所發持者法華旋隨羅尼也縱令文字之  
師千羣萬衆尋汝之辯不可窮矣於說法人中最爲  
第一後爲儀同沈君理請住瓦官未幾謝遣門人曰  
昔南岳輪下及始濟江東法鏡屢明心絃數應初瓦  
官四十人共坐二十人得法次年百餘人共坐二十  
人得法又次二百餘人共坐十人得法其後徒衆轉  
多得法轉少妨我自行化道可知吾聞天台地記稱  
有仙宮若息緣茲嶺啄峯飲澗展平生之願陳太建  
七年秋入天台有一老僧引之而進曰師欲造寺山

下有基捨以仰給師曰王如今日草舍尚難況辦寺  
乎僧曰今非其時陳君理三國成一有大勢力人當起此寺  
寺若成國即清當呼爲國清有定光禪師異人也居  
山三十載迹晦道明易狎難識有所懸記名皆顯驗  
其夕宿定光草庵光曰還憶招手時否及觀所住之  
處宛如昔夢因湯帝遣使詔師至石城刃曰吾知命  
在此不須進前輟斤名絕絃於今日矣聽倡無量壽竟  
曰四十八願莊嚴淨土華池寶樹易往無入火車相  
見能改悔者尚復往生況戒慧熏修行道力故實不  
唐捐梵音聲相實不誑人智朗請云不審何位歿此



何生誰可宗仰師曰吾不領衆必淨六根爲他損已  
只是五品位尔汝問何生者吾諸師友侍從觀音皆  
來迎我問誰可宗仰者豈不聞波羅提木叉是汝之  
師四種三昧是汝明道教汝捨重擔教汝降三毒教  
汝治四大教汝解業縛教汝破魔軍教汝調禪味教  
汝折慢幢教汝遠邪濟教汝出無爲坑教汝離大悲  
難唯此大師可作依止我與汝等因法相遇以法爲  
親傳習佛燈是爲眷屬若不尔者非吾徒也言訖如  
入禪定別傳

廬山遠法師生于廬門賈氏嘗請法道安法師因聽

講般若若有契師與大尹張秘友善一日謂曰逆境易  
打順境難打逆我意者只消一箇忍字不片時便過  
若遇順境則諸事順適我意如磁石覘鐵不覺不知  
合爲一處無情之物尚尔況全身在塵境中邪後遊  
廬阜以山水清勝遂安止之刺史桓伊荆東林以居  
焉從尔影不出山幾三十年唯以淨土克念于勤初  
十餘年澄心系觀三觀聖相而師沉厚不言後二十  
年於般若臺從禪定中見彌陀佛身滿虛空又聞告  
言我以本願力故來安慰汝汝後七日當生我國師  
始告其徒曰吾自居此幸得三觀聖相今復再見吾

後



之往生決矣汝當自勉

塔銘

爲山祐禪師福州人薙髮後往天台國清受戒寒拾  
預修路曰不久有肉身大士來此求戒師至二人隱  
於路傍深草中待師過跳出作虎勢哮吼而接師因  
措寒云自靈山別後五生作人主來今忘之後參百  
丈一日侍立次丈云汝撥爐中有火否師撥云無火  
百丈躬起深撥得少火舉示之師發悟禮謝陳所解  
丈曰此乃暫時岐路經曰欲見佛性當觀時節因緣  
時節既至如迷忽悟如忘忽憶方省己物不從他得  
令充典坐時司馬頭陀自湖南來謂百丈曰長沙西

未悟  
前故

北絕頂乃奇勝之地可容千衆丈曰老僧去之可乎

彼寺建多矣

頭陀曰和尚有人彼是肉山非所宜也丈曰第一坐

貪多

可乎曰非也丈曰與坐可乎曰真瀉原主人往彼十

餘年衆方集師遂往結庵橡葉爲食猿鳥爲伴影不

出山宴坐終日如是九年偶念曰吾居久矣竟無

到本圖利物獨居何益欲棄庵而去至谷口虎豹蛇

蟠橫於道路師曰吾若於此有緣汝各散去不然從

汝啖之言訖而散於是復回有神見曰此山乃迦葉

佛時曾爲蘭若今當復成常護此山蓋受佛記介明

年大安領衆輔成法社寺碑



東西字  
意十三

淨因臻禪師生福之古田得旨訣於淨山遠公後謁  
淨因連公公命首衆及連歸吳以臻嗣席 神宗嘗  
詔至慶壽宮設高坐恣人問答左右上下得未曾有  
臻為人純厚渠渠靖退似不能言者及其辯說縱橫  
無礙奉身至約一布裙二十年不易曾直太史題其  
像曰老虎無齒卧龍不吟千林月黑六合雲陰遠山  
作眉紅杏願嫁與春風不用媒老婆三五少年日也  
解東塗西抹來隱山集  
證悟智法師治之林氏子少聰敏書過目成誦雖醫  
方卜筮亦皆通曉一日遊講舍聞說觀經傾聽良久

女房夏

極樂不相說

死ニテハ何方へ行スヤト思フ

手ノ御言ノ音ヲ

ハ斷ク

歎曰落日之處吾有故鄉今聞此若得家書於是祝  
髮誓勤祖教依白蓮僊法師問具變之道僊指燈籠  
曰離性絕非本自空寂理則具矣六凡四聖所見不  
同變則在焉智不契後因掃地誦法華至知法常無  
性佛種從緣起意遂豁然契悟僊見之曰且喜大事  
決了法華止觀此為喉襟汝能省悟誠造微入妙自  
是游心昭曠多以此示人每涉五日始一寢餘則涵  
泳道要惟恐不及一生東山二十四年兩山學徒與  
之論辯無敢當者師嘗患後進囿名相膠筆錄或者  
至以一宗之傳為文字之學異宗鄙之殊不領略因



勉其徒曰豈不思吾佛云是真精進只者一句便有  
向上機緣何不覲面激揚斯事乎後被命上竺時丞  
相秦公問止觀一法邪二法邪師曰一法也譬之於  
水湛而清者止也可鑑鬚髮者觀也水則一耳又猶  
兵也不得已而用之以衆生重昏巨散之病用止觀  
之藥救其心性歸爲全一之體俾法界寂然名止寂  
而常照名觀若專其所止則何所觀如公垂紳正笏  
燕坐廟堂不動干戈中興海宇亦若是而已公喜曰  
非師安知佛法之妙塔銘

東山能行人教觀明白以重修爲志一名入懺室寒暑

不變者四十年由是行人之名聞于江浙能未嘗自  
謂修行者則曰智者六時禮佛四時坐禪云修行之  
常儀況我何有焉草庵因法師嘗與同修接膝而坐  
見其端謹不委不倚或有疾唯數日不食亦不廢禪  
誦而疾自愈能爲人剛潔惡聞名利凡得施物即散  
於衆毫髮不留所有者唯破衲壞絮而已夏則以篾  
束之梁枅冬則取以禦寒每入山飼虎虎無害意或  
風雨昏夜宴坐丘冢身心安靜無有怖畏院有山神  
靈化一方常所交接或香積一名給知事必告於能能  
即禱之來日施者一名宣誦而至僧問其故施者曰昨夜



巡門報云常住空虛特奉供介行狀

汾陽昭禪師太原人器識沉邃少緣飾有大志於一

切文字不由師訓自然通曉幼孤厭世出家參名宿

七十餘人皆妙得其家風所至少留不喜觀覽或譏

其不韻昭歎曰先德行脚正以聖心未通驅馳決擇

豈緣山水之翫乎後參首山問百丈卷席意旨如何

山曰龍袖拂開全體見昭曰師意如何象王行處絕

狐蹤昭遂大悟曰萬古碧潭空界月再三瀉始應

知禮拜歸衆時葉縣省和尚作首坐問曰見何道理

便介自肯昭曰正是我放身命處後長沙太守張公

龍龍  
上音通

退

以四名剎請昭擇居昭曰我長行粥飯僧介傳佛心

宗非細職也前後八請堅不答後以太子院迎之閉

關高卧石門聰禪師排闥而入讓之曰佛法大事靖

退小節汝有力荷擔大法者今何時而欲安眠哉昭

矍然起曰非公不聞此語趣辦嚴吾行矣既至宴坐

一榻影不出山者三十年師以汾州苦寒欲罷夜參

感異比丘請法龍德府尹李公以承天迎之使三返

不赴使者當受罰復至曰必欲得師俱往不然有罰

師當念之昭曰當先後之何必俱邪昭令備饌且促

裝曰吾行矣停箸而化傳賢傳



真人張平叔雅好清虛在丹丘之廬遇頂冰貧子出  
龍馬所負之數遂領服旨久之功成且曰吾形雖固  
而本覺之性曾未之究遂探內典至楞嚴有省著悟  
真篇又作禪宗歌頌叙中引楞嚴十種仙壽千萬歲  
不修正覺報盡還生散人諸趣之語又曰爲此道者  
當心體太虛內外如一若立一塵即成滲漏此不可  
言傳之妙曉得金剛圓覺二經則金丹之義自明何  
必分別老釋之異同哉則知平叔乃求出離生死之  
法必歸仗於佛爲究竟群仙珠玉


真人呂洞賓河陽蒲故人生於唐天寶間世爲顯官

累舉進士不第因遊華山遇鍾離權乃晉之郎將避  
亂學養命法將度呂公首以財施之一日呂侍行鍾  
拾一塊石以藥塗之即成黃金鍾遺之曰前途將粥  
之呂問曰此仍壞乎鍾曰五百年壞呂擲之曰他日  
誤入去鍾復試之以色命呂入山採藥化一小廬有  
美婦權迎之曰夫故父矣今遇君子願不我棄婦欲  
執手而近呂以手托開云毋以革囊穢於我矣言訖  
其婦不見即鍾離也於是授以金丹之術及天仙劍  
法遂得遊行自在詩曰朝遊南越暮蒼梧袖裏青蛇  
膽氣虬三日月陽人不識斯吟飛過洞庭湖謁龍牙




和尚問佛法大意牙與喝曰何事朝愁與暮愁少年  
 不學老還羞明珠不是驪龍惜自是時人不解求因  
 過鄂州黃龍山見紫氣盤旋疑有異人所止遂入值  
 機禪師上堂師知有異人潛跡坐下即厲聲曰衆有  
 竊法者呂毅然問曰一粒粟中藏世界半升鐺內煮  
 山州且道此旨如何師曰守屍鬼呂曰爭奈囊中  
 長生不死藥何師曰饒經八萬劫終是落空亡呂不  
 憤而去至夜飛劍脅之師已前知以法衣蒙頭坐二  
 方丈劍遶數匝師以手指之劍即墮地呂謝罪師因  
 詰曰半升鐺內何不問如何是一粒粟中藏世界呂















t 028











於言下有省乃述偈曰<sup>ハシラニテ</sup>拗却瓢兒碎却琴如今不戀  
水中金自從一見黃龍後始覺從前錯用<sup>ハシラニテ</sup>心<sup>ハシラニテ</sup>仙苑遺  
事

給事馮樞居士少游上庠一日公試以生者德之光  
論中魁選其文用圓覺經意發明之雖在仕涂不忘  
佛學編參名宿居龍門從佛眼經行次偶童子趨庭  
吟曰萬象之中獨露身佛眼拊公背曰好漣公於是  
契入後帥瀘南嘗宴坐有公事之餘喜坐禪少曾將  
習到牀眠之句尤篤意淨業所至作繫念勝會勸發  
道俗兵興來教藏煨燼不自厚養所得俸給專施藏



經有偈略曰我賦耽痴癖有財貯空虛不作子孫計  
不爲車馬道不充玩好用不買聲色娛置雖無南畝  
片瓦無屋廬所得月俸給唯將贖梵書庶使披閱者  
咸得入無餘古佛爲半偈尚乃捨全軀是以不惜財  
開示諸迷徒借問惜財人終日較錙銖無常忽到地  
寧免生死無紹興二十三年公帥長沙俄報親知期  
以十月三日報終至日令後廳設高坐見客如平時  
降階望闕肅拜請漕使攝郡事著僧衣履踞高坐  
囑諸官吏及道俗各宜進道扶護教門遂拈拄杖按  
膝而化蒲大聘誌

趙清獻公年四十餘去聲色系心祖道會佛慧泉祖  
師來居衢之南禪公日親之泉未嘗容錯一詞後典  
青州政事之餘多務禪宴忽大雷震驚豁然有契頌  
曰默坐公堂虛隱兀心源不動湛如水一聲霹靂頂  
門開喚起從前自家底泉聞之曰趙悅道撞彩介梅

溪集

仰山寂禪師韶州葉氏子薙髮後夢獲一大珠光彩  
射人覺曰此是無上心寶我得之當明心地即遊方  
謁耽源已契玄旨後參潯山遂升堂具寂問如何是  
真佛住處潯曰以思無思之妙返思靈韻之無窮思



盡還源性相常住事理不二真佛如如寂言下頓悟  
暨受密印領衆住王莽山化緣未幾遷葬州訪仰山表  
沿流而上有二神迎問曰深山絕險師自何來師曰  
吾欲尋一庵地神曰弟子福慶相遇願施此山與師  
居止師曰君既施我須具廣大心不見僧過則喜受  
君施矣神曰諾神遂指集雲峰下曰莫言於此師乃  
結茅而居木食澗飲危坐終日未幾二神見曰徒衆  
將盛弟子住處不便當易之至夜風雷暴作移廟于  
堵田三十里古塚神像巨松皆往乃會昌三年夏四  
月也感異僧乘空而至曰特來東土禮文殊今日却

遇小釋迦自是瀉仰宗風大振於世師將順寂神求  
緒言師曰吾幼泡之身隨緣興謝來時無物去更何  
求神曰諸佛滅時天龍請囑願毋違我師以得法之  
師瀉山祐禪師正月八日忌齋爲囑殆今民人莫敢  
違寺記

道法師西京順昌人宣和詔改德士師與林靈素抗  
辯邪正懇于朝廷忤旨流道州監防卒曰此去萬里  
宣茹葷酒以助色力師曰死乃天命佛禁不可犯卒  
敬服師未幾寃所前一日郡守夜夢佛像荷枷入  
城僚屬亦有同夢者翌日師至太守語人曰被罪之



僧必異人也。未逾月，郡人患疾者大半，師鑿池祝水，飲者咸愈。於是方尊事，不啻父師。尋令還，便道由長沙，邂逅寂音，以詩遺曰：道公膽大過身軀，敢逆龍鱗上諫書。只欲肩擔佛法故，甘引頸受誅鋤。三年竄逐心無愧，萬里歸來見不枯。他日教門綱紀者，近聞孰敢赴朝趨？時公卿大夫謂師有文武才，終請加冠冕，補官序，分領兵權，恢復故疆。師力辭，朝賢知志不可奪，奏請賜號，竟圓通法濟之號。紹興改元，宣八上曰：先帝為妖術所惑，廢卿形服，朕與卿去其黜，溫可乎？師曰：臣雖感聖恩，先皇聖實不忍。

毀除。上曰：若僧到老，何強許自便？紹興三年，師與道士劉若謙詣朝廷，正祈禱道場所班次。其劄略曰：緣崇寧間，林靈素等叨冒資品，紊亂朝綱。由是道壓佛班，自建炎之來，所有道士官資已行追毀，既無官蔭當遵祖宗舊制。伏望朝廷明降指揮，特賜改正，頒行天下，以正風俗。時國政多故，仍寢其說。至十三年，再行整會。僧左，道右，永為定制。後因旱魃為虐，奉旨宣入祈禱。師即登坐，聲祝且乞四金餅，各置鮮鯽。殿撰永密祝，即遣四急足放諸江沼。急足未回，雨已霽然。天顏大悅。塔銘。



○晦庵光禪師聞之長樂人出嶺謁圓悟佛心諸名宿  
會大慧寓廣因光往從之光一日侍行問曰某到者  
裏不能得徹病在甚處慧曰汝病最癢世醫拱手何  
也別人死了活不得汝今活了未曾死要到大安樂  
田地須是死一回始得光益疑之入室問曰喫粥了  
也洗鉢盂了也去却藥忌道將一句來光曰裂破慧  
震撼喝云爾又來說禪光大悟慧擡鼓告衆曰兔毛  
拈得笑哈哈一擊萬重關鎖開廖快平生在今日孰  
云千里賺吾來光以頌呈曰一拶當機怒雷吼驚起  
須彌藏北斗洪波浩渺浪滔天拈得鼻孔失却口

揭

錄等

沙門波若高麗人開皇間詣佛隴求智者禪法未幾  
即有所證智者謂曰汝於此有緣宜須閑居靜處成  
辦妙行今天台華頂去寺六七里是吾昔日頭陀之  
所汝可往彼學道進行必有深益勿慮衣食波若遵  
訓往彼曉夜行道不曾睡卧影不出山十有六年一  
日忽下山告諸友曰波若知命將盡特出山與大衆  
別今即回華頂而卒

天台石刻

正言陳了翁南劍州人妙年登上第性閑雅與物無  
競見人之短未嘗面折但微示意警之而已公初尚



雜華頗有所詣及會明智法師扣天台宗旨明智示  
以止觀上根不思議境以性奪修成無作行忽有契  
悟晚年謫居海上未嘗有不滿意唯刻念西歸嘗作  
延慶淨土院記其略曰如來之叙九品以至誠爲上  
上智者之造十論破疑心之具縛縛解情忘識散智  
見則彌陀淨境不假他求若臨明鏡自見回像又曰  
譬如清淨蒲月影見諸水月體無二攝流散而等所  
歸會十方而總于一亦如十鏡環繞中然燈燈體  
交參東西莫辨而方有定位西不自西各隨相融境  
將誰執安以在廬執方之見測度如來無破之境立

因法師曰一翁言淨土可謂深蹟佛祖之壺奧矣

一作探可

庵錄

石壁寺去杭越二十里走龍山而西窅然入幽谷有  
溪流巖石之美雖其氣象清淑而世未始知之自紹  
興大德靖法師居之而其名方播亦地以人而著也靖  
皆錢塘人同依壽禪師出家通練律部時韶國師  
其道大振靖紹往從之國師見且器之即使往學三  
觀法於螺溪寂法師於是借往事寂講求大義居未  
幾所學已就靖紹復回石壁以會講衆前後五十年  
守其山林之操未始苟游鄉墅閭里處身修潔吳中



宿學名僧皆推其高人明教日出家於壽公學法於  
蘇公見知於邵公三皆奇節異行不測人也天下豈  
可多得二師皆遇而親炙之假全得一見已自甚善  
況因人而得法二師之美多矣塔表

海月辯都師雲間人生有異父母令入普照出家得  
法明智智老命代講八年遂領寺事翰林沈時卿以  
威猛治杭僧徒見者多懼師獨從容如平日公異之  
俾錄職遷至都僧正時東坡作倅喜其道行高峻  
發言璀璨嘗序之曰錢塘佛僧之盛蓋甲天下道德  
才智之士與夫妄庸巧偽之人雜處其間號爲難齊

故僧職正副之外別補都僧正一員僧徒簿帳案牒奔走  
將迎之勞專責副正已下而都師總領要略實以行  
解表衆而已師容止端靖不畜長物有盜夜入其室  
脫衣與之使從支徑遁去居無何勸於酬酢歸隱草  
堂但六事隨身而已將順寂先遺言須東坡至方可  
闔閣宿四日東坡始入山中見其端坐如生頂尚溫遂  
作三絕哭之云欲尋遺跡強沾裳本自無生可得亡  
今夜生公講堂月滿庭依舊冷如霜生死猶如臂屈  
伸情鍾我輩一酸辛樂天不是蓬萊客憑仗西方作  
主人欲訪浮雲起滅因無緣却見夢中身安心好住



王文度此理何須更問人塔銘

高麗僧統義天棄王位出家問法中國首至四明郡  
將命延慶明智三學法隣二師為館伴至杭州謁照  
律師願從律學照為說戒法令習儀範授以三衣孟  
鉢錫杖仍有偈曰為汝裁成應法衣更將孟錫助威  
儀君看宿覺歌中道不是標形虛事持朝廷復詔楊  
次公館伴所經諸刹迎餞如王目禮至金山獨佛印  
牀坐納其大展次公驚問其故印曰義天亦一異國  
僧介衆姓出家同名釋子安問貴種若屈道隨俗先  
失一隻眼何以示華夏師法乎朝廷以无為知大體

僧傳等

天竺悟法師錢塘人每誦呪時身出舍利所供像亦  
如之天聖三年慈雲欲以智者教觀求入大藏文穆  
王公擬達天聽悟曰此非常之事小子將助之乃繪  
千手像誦大悲密語誓曰事果遂當焚此軀未幾公  
薨悟益加精勵晝夜不廢越歲乃克如志悟遂答前  
誓薪盡屍在袈裟覆體儼然如生衆咸異之慈雲再  
積香木焚乃方壞舍利無數三歲之後信者尚獲慈  
雲作讚刻石曰悟也吾徒荷法捐軀其醺赫赫其樂  
愉愉遠火將滅儼如跏趺逮骨後碎璨若圓珠信古



應有今也。創無芳年三十。真哉丈夫。金園

晦堂心禪師初承南禪師遺命領住山緣。十有三白於法席正盛時。毅然謝事居西園。以晦命其堂。且曰。吾所辭者世務尔。今欲專行佛法。於是勝其門曰。告諸禪學要窮此道。切須自看。無人替代。時中或是看得因緣。自有歡喜入處。却來入室吐露。待爲品評。是非深淺。如未發明。但且歇去。道自見前。苦苦馳求。轉增迷悶。此是離言之道。要在自肯。不由他悟。如此發明。方名了達。無量劫來生死根本。若見得離言之道。便將類會。目前差別。因緣以爲所得。只恐誤認門庭。

目前光影。自不覺知。方成剩法。到頭只是自謾枉費心力。宜乎晝夜剋已。精誠行住觀察。微細審思。別無用心。自然有箇入路。非是朝夕學成事業。若也不能如是參詳。不如看經禮拜度此殘生。亦自勝如亂生。謗法若送老之時。敢保成箇無事人。更無他累。其餘入室。今去朔望兩度。却請訪及汀江。

孝宗皇帝詔徑山主僧寶印於選德殿。上曰。三教聖人本同者箇道理。印奏曰。譬如虛空。東西南北。初無二也。上曰。但聖人所立門戶各別。尔孔子以中庸設教。印曰。非中庸之教。何以安立世間。故華嚴云。



不壞世間相而成出世間法法華云治世語言資生  
產業皆與實相不相違背上曰今之士夫學孔氏  
者多只攻文字不見夫子之道不識夫子之心唯釋  
迦老子不以文字教人但直指心源開示衆生各令  
悟入此爲殊勝印曰非獨今之學者不見夫子之道  
當時十哲如顏子號爲具體盡其平生力量只道得  
箇瞻之在前忽然在後如有所立卓爾竟捉摸未著  
而夫子分明八字打開與諸弟子曰二三子以我爲  
隱子吾無隱乎爾吾無行而不與二三子者是丘也  
以此而觀夫子未嘗回避諸弟子而諸弟子自蹉過

也昔張商英丞相云唯吾學佛然後能知儒上曰  
朕意亦謂如此上又問曰莊老何如人印云只作  
得佛門中小乘聲聞人蓋小乘厭身如桎梏棄智如  
雜毒化火焚身入無爲界正如莊子所謂形固可使  
禍木心固可如死灰於是稱旨奏對錄

可久高僧錢塘人徧游講肆深得天台旨趣後居祥  
符喜爲古律造於平懷清苦東坡以詩老呼之坡因  
元宵同僚屬觀燈坡獨往謁之見其寂然宴坐作絕  
句云明前歌鼓鬧紛崩一室蕭然冷欲冰不把琉璃  
閑照物始知無盡本非燈久律已甚嚴長坐一食西



威儀中法服未嘗去體儉約自持一布衲終身不易  
或絕粮辟穀宴坐而已晚居西湖之濱脩然一榻不  
留餘物美人多類隄外唯紅蕉數本翠竹數百竿自號蕭蕭堂  
將卒語人曰吾死蕉竹亦死後如其言怡雲集  
楊次公云大願聖人從淨土來來實無來深心凡夫  
從淨土去去實無去彼不來此此不往彼而其聖凡  
會遇兩得交際彌陀光明如大圓月徧照法界念佛  
衆生攝取不捨諸佛心內衆生塵塵極樂衆生心中  
淨土念念彌陀若能發心念彼佛號即得往生河沙  
諸佛有同舌之讚十方菩薩有同往之心佛言不信

何言可信不生淨土何土可生自棄已靈是誰之咎  
公臨終時見金臺從空而至即說偈而逝偈曰生亦  
無可戀死亦無可捨太虛空中之乎者也將錯就錯  
西方極樂輔道集等

正尼極樂力願

玄沙備禪師福州人姓謝少漁於南臺江上忽棄舟  
從釋芒鞋布衲食才接氣宴坐終日雪峯呼爲備頭  
陀再來人也何不徧參去備曰達磨不來東土二祖  
不往西天峯然之備縛屋玄沙衆相尋而至遂成叢  
林說法與契經合諸方有要義未明者皆從決之示  
衆曰佛道閑曠無有途程不在三際豈有昇沉建立



解脫系了  
平張不屬造作動即涉塵勞之境靜即沉昏醉之鄉  
動靜雙泯即落空亡動靜雙收即漫汗佛性何必對  
其塵境如枯木寒灰但臨機應用不失其宜如鏡照  
像不亂光輝如鳥飛空不雜空色所以道十方無影  
像三界絕行蹤不墮往來機不住中間相譬由壯士  
展臂不由他力師子遊行豈求伴侶九霄絕翳何用  
穿通一段光明來會昏昧到者裏體寂寂常皎皎赤  
赫爛無邊表圓覺光中不動搖吞燦乾坤迥然照傳

宋潞公居洛陽嘗致齋往龍安寺瞻禮聖像一日像

三親名曰三聖當アモイミラニ

三子除哥

路

忽朽墮公見之略不加敬但瞪視而出傍有僧曰何  
不作禮公曰像既壞吾將何禮僧曰先聖道譬如官  
路土私人掘為像智者知路土凡愚謂像生後時官  
欲行還將像填路像本不生滅路亦無新故公聞之  
有省由是慕道甚力年九十餘晨香夜坐未嘗少廢  
每日願曰願我常精進勤修一切善願我了心宗廣  
度諸含識梅溪雜錄

竹笛後之鉄而

作ハス

音通

普首坐自號性空得肯於死心父居華亭好吹鐵笛  
放曠自樂人莫測之喜為偈句開導於世偈曰學道  
尤如守禁城晝防大賊夜醒醒將軍主將能行令不

伊字休中可也



動干戈致太平又曰不耕而食不蠶衣物外清閑過  
聖時未透祖師關戾子也須存意著便宜一日告衆  
曰坐脫立亡不如水葬一省柴燒二免開墳撒手便  
行不妨快暢誰是知音舟子和尚高風難繼百千年  
一曲漁歌少人唱遂向青龍江上乘木盆張布帆泛  
遠而沒普燈

鐵笛吹

愚法師嘉禾人棄儒從釋精苦自勵凡三十年加功  
進行未嘗一日輒廢嘗與道潛則章二師爲友潛能  
詩近名而章與師韜光鎚彩不求人知唯務已行而  
章先卒及愚將順世告衆曰吾夢神人告云汝同學

僧則章得普賢願行三昧已生淨土彼待汝又曷可  
遲留於是淨土聖相及諸花樂悉見在前愚即說偈  
而逝偈曰空裏千花羅網夢中七寶蓮池踏得西歸  
路穩更無點狐疑行業記

東坡曰已飢方食未飽先止散步逍遙務令腹空當  
腹空時即入靜室端坐默念數出入息從一數至十  
從十數至百數至數百此身兀然此心寂然與虛空  
等不煩禁制如是久之一息自住不出不入時覺此  
息從毛竅中入萬四千雲烝霧起無始已來諸病自  
除諸障消滅自然明悟譬如盲人忽然有眼尔時不



用尋人指路也 大全

靈芝  
之照律師錢塘人幼有夙成年十八以通經得度  
在沙彌中已爲衆講解習毗尼每悵然興悵無所師  
承時處謙法師深得天台之道師見之曰真吾師矣  
請居坐<sup>下</sup>風雨寒暑日行數里謙每講必待師至或  
少後衆以過時爲請謙必曰聽講人未至其愛之甚  
此師欲棄所習而從之謙曰近世律教中微汝他日  
必爲宗匠當明法華以弘四分吾道不在茲乎師乃  
博究群宗以律爲本非苟言之實允蹈之嘗依南山  
六時致禮晝夜行道持盂乞食衣<sup>准</sup>大布食不過中

克

舊

一鉢三衣囊無長物凡有祈禱誠達穹昊祈蝗而蝗  
出境祈雨而雨成霖述古龐公命師禱雨愷未絕口  
震雷大霆公曰吾家數世不事佛矣今遇吾師不得  
不歸向也太師史越王題其碑陰曰儒以儒縛<sup>律</sup>以  
律縛學者之大病唯師三千威儀八萬細行具足無  
玷而每蟬蛻於定慧之表毗尼藏中真法王子故能  
奮數日歲後直與南山比肩功實倍之嚮使師身不  
披緇必爲儒宗特立超詣惜哉師沒後二十六年遺  
馨不泯朝廷錫號大智律師塔曰戒光以賜謚之寵  
不及載劉公之文因書于後 塔銘



師

大慧禪師謁湛堂準和尚指以入道捷徑慧橫機無  
讓準訶之曰汝不悟者病在意識領會是爲所知障  
矣時逸士李商老參道於準適有言曰道須神悟妙  
在心空體之不假於聰明得之頓超於聞見李擊節  
曰何必讀四庫書然後爲學哉以故結爲方外友準  
示寂慧謁丞相無盡居士請準塔銘公雅以禪學自  
許非具大知見無敢登其門慧承顏接詞綽有餘裕  
公稱之曰子禪逸格矣慧曰奈自來肯邪公曰若介  
見川勤可也於是謁圓悟京之天寧因陞坐次舉僧  
問雲門如何是諸佛出身處門云東山水上行若有

解

人問天寧即向他道熏風自南來殿閣生微涼慧忽  
然前後際斷雖然動相不生却在淨願處每入室  
悟曰也不易爾得到者箇田地可惜死了不能得活  
不疑語句是爲大病不見道懸崖撒手自肯承當未  
後再蘇欺君不得須信有者箇道理始得悟室中嘗  
問有句無句如藤倚樹開口便道不是慧一日同客  
藥石把筯在手忘了喫食悟笑謂客曰者漢參得黃  
楊木禪也慧憤然問曰和尚嘗問五祖和尚有句無  
句如藤倚樹祖如何答悟曰描也描不成畫也畫不  
就又問樹倒藤枯句歸何處祖曰相隨來也慧抗聲



曰我會也。從是豁然。無有疑礙。未幾取道江西。邂逅  
待制韓子蒼。劇談儒釋深嘆服之。館于書齋。半年晨  
興相揖外。非時不許講行。不讓先後。坐不問賓主。相  
忘爾汝。傾倒緒餘。無日無法喜樂也。後以丞相張魏  
公挽住徑山。天下衲子靡然景從。衆將二萬指慧不  
不絕。以清規容其自律。每有禪者徵詰要義。或氣論  
不合。諍於大慧之前。慧不決巨細例送堂司。趁出時  
維那紹真蜀之義士。大慧凡有令下。寢而不行。甚則  
令遊山。後聞于慧。慧大稱之曰。非妙喜龍象窟中安  
得有此悅衆。瑩仲溫曰。蓋師獨儻好義。趣識高明性

勇氣

行字

雖急量寬。雖怒罵中實慈。衆中有不徇律者。一時  
據令而行。未嘗有傷人害物之意。師所以稱之者深  
有旨矣。後人可不爲鑑。正續傳

治父川禪師蘇之行別弓級也。以宿種故喜聽禪法。常參  
景德謙禪師。謙示以趙州狗子無佛性。因緣早交。參  
究從不廢職。尉怒笞之。忽於放下大悟玄要。謙爲改  
名曰汝舊呼狄三。今名道川。此去能堅起脊梁益加  
奮勵。則其道如川之增。苟其放怠無足言矣。川佩服  
其訓。忘願弗移。嘗頌金剛經。今行於世。開法治治父冬  
至示衆曰。羣陰銷盡。一陽生。草木園林盡發萌。唯有



衲僧無底鉢依前盛飯又盛羹舟峯集

德山密禪師會下有一禪者用工甚銳看狗子無佛

性話又無所入一日忽見狗頭如日輪之大張口欲

食之禪者畏避席而走鄰人問其故禪者具陳遂白

德山山曰不必怖矣但痛加精彩待渠開口撞入裏

許便了禪者依教坐至中夜狗復見前禪者以頭極

力一撞則在函櫃中於是燿然契悟後出世文殊道

法大振即真禪師也梅溪筆錄 文殊應真嗣德山密門

神照如法師問法智尊者曰如何是經王尊者曰汝

爲我主三年庫事却向汝道如敬承其命三年畢如

再請曰今當說矣尊者大喚本如一聲忽然契悟頌

曰處處逢歸路頭頭是故鄉本來成見事何必待思

量教行錄

檀庵嚴法師試經得度依東山神照照器之曰吾宗

得人益不墜矣擢居上首師不特以講說爲尚凡出

處語默必與其法相應而後已時法真開止觀不思

議境師曰萬法唯一心心外無別法心法不可得是

名妙三千未幾法真移東掖及謝事命師繼踵師曰

昔智者年未五十已散徒衆四明年至四十長坐不

卧吾老矣又何人詎暇住山乎竟不受隱居焉之

禪者則  
文殊應真  
也

四  
日



東峯有檀木一本結庵於傍名曰檀庵其文曰私年  
六十歸卜草庵庵成養病其中且不以矯激流俗爲  
意庵之左有檀一樹因名焉夫檀非名果珍也比之  
于梨栗豈無愧色然梨以爽故致刻栗以甘故見食  
僅使梨栗有識性而自求於無用之地且不可得彼  
檀者與稗爲類雖香而澁強啖之香不可使腹實海  
不可使口爽縱三尺豎子亦希採焉磊磊在枝有自  
得之狀是可佳介於戲人以智故勞其骨檀以澁故  
安其身智乎澁乎何者爲真子之不知得與檀鄰師  
奉身之具止一小鉢晨晝之食唯三白如是獨居二

砂糖湯葛水類

庚子  
多  
戸  
ハ  
ラ  
ン  
関  
キ

十年閉門宴坐世不可親毗尼條章輕重等護使用  
之物細至於履屐悉有深觸寂寥自得專以安養爲  
所期一夕夢池中生大蓮華天樂四列師曰此吾淨  
土相也後七日果逝行業等記

昔有一尊宿以道學爲宗教所重晚年被旨住山  
雅爲聖君賞遇臨終上震悼詔令宜葬待日奏  
曰此僧衣鉢太富見訟有司上不悅眷禮遂衰  
雲曰惜哉世利能蔽名喪德今豐儲厚斂者烏可不  
戒少雲雜編

古德浴室示衆偈曰從本腥臊假合成皮毛津膩逐



時生直饒傾海終朝洗洗到驢年不解清身若塵埃  
 沾尚淺心隨欲境染尤深堪憐舉世忘源者只洗皮  
 膚不洗心滿斛盛湯大杓澆檀那更望利相饒後生  
 若不知來處福似須彌立見銷

湖心石刻

分庵主為道猛烈無食息暇一日倚石闌看狗子話  
 雨來不覺良久衣濕知是雨尔後因行江干聞階司  
 喝侍郎來忽然大悟偈云幾年箇事挂曾懷問盡諸  
 方眼不開肝膽此時俱裂破一聲江上侍郎來從是  
 不規所寓庵居劔門化被嶺表偈語走筆而成自題  
 像曰面目兜搜語言薄惡癡癡酣酣磊磊落落罵風

罵雨當慈悲是聖是凡難摸索每日橋頭橋尾等箇  
 人世無王良伯樂一生空過却

隱山

靈源清禪師南州武寧人風神瑩徹好學不倦黃太  
 史曰清兄好學若飢渴者之嗜飲食依晦堂晝夜參  
 法至忘寢膳一日晦堂與客語話次清侍立客去久  
 之清只在舊處立堂呼之曰清兄死了也於是有省  
 清與佛鑑書曰某兩處住持凡接東山師兄書未嘗  
 有一句言及世諦其叮嚀委囑在忘軀弘示此道而  
 已到黃龍得書云今年諸莊皆旱損我總不憂只憂  
 禪家無眼一夏百餘人入室舉箇趙州狗子話無一



人透得此為可憂至哉斯言與夢院門不辨怕官人嫌責慮聲名不揚恐徒屬不盛者實相遠矣 汀江集

語等

佛燈珣禪師霅川人久依佛鑑和尚隨衆咨請觀無所入俄歎曰此生若不徹證誓不展被於是四十九日只靠露柱立地如喪考妣相似偶佛鑑上堂曰森羅及萬象一法之所印珣即頓悟往見佛鑑鑑曰可惜一顆明珠被者風顛漢拾得圓悟聞得疑其未然乃曰我須勘過始得悟令人召至因遊山偶到一水潭

潭

推入水遽問曰牛頭未見四祖時如何珣狼忙

應曰潭深魚聚又問見後如何樹高招風又問見與未見時如何曰伸脚在縮脚裏悟大稱之 并奉諸錄等

秀州暹禪師方五歲秀氣藹然母異之令往資聖出家徧歷禪會乃還而秀郡未有禪居待來者亦有所闕師乃一更其院如十方禪規主之時吳中僧坐法失序輒以勢高下不復以戒德論師慨然嘗以書求理於官得正其事師語明教高曰吾不能以道大慧於物德行復不足觀以媿於先聖人苟忍視其亂法是益媿也明教曰不必謙也宗門道妙罕至士一頭



出世至行也。吾徒之所難能為法而奮不顧身亦  
人之難能。師皆得而行之。又何愧乎。影堂記

圓照本禪師常州人。天質粹美。不事緣飾。依天衣懷

和尚。弊衣垢面。探井曰。典炊爨。晝則驅馳僧事。夜則

坐禪達旦。精勤苦到。略不少怠。或謂之曰。頭陀荷衆

良勞。本曰。若捨一法。不令滿足。菩提決欲此生身證


敢言勞乎。瑞光虛席。命師主之。既至。擊鼓集衆。鼓忽

墮。地圓轉。震響有僧呼之曰。此和尚法雷震地之祥


也。俄失僧所在。從是法席大盛。後以諸刹爭迎之。晚

主淨慈。與靈芝。照律師友善。照授師法衣。師終身陞
















t 028











坐必爲衣之東都曦法師定中見淨土蓮華大書金字云杭州永明寺比丘宗本坐曦異其事特往瞻禮而問曰師是別傳之宗何得淨土有位邪曰雖在禪門常以淨土兼修行業等記

仰山圓禪師盱江人稟戒後爲道勇決聞妙喜居梅陽往依之服勤炊爨精苦自勵妙喜見其器識精敏嘗異之因小參聞舉修具足凡夫法凡夫不知具足聖人法聖人不會聖人若會即是凡夫凡夫若知即是聖人忽然有契後主徧之祥符遷表之仰山視事闋七日講禪門告香之禮首坐領衆羅拜咨以



生死事大無常迅速伏望慈悲開示因緣圓徐曰若  
欲究明生死事直須於行往坐卧處觀看生從何來  
死從何處畢竟生死作何面目良久不起于坐泊然  
蟬蛻行狀

大慧曰近代主法者莫若真如詰善輔叢林者莫若  
楊岐會慈明真率作事忽略殊無避忌楊岐忘身事  
之惟恐不周惟慮不辦雖衝寒冒暑未嘗急已情容  
自南源終于興化三十年總柄綱律盡慈明一世而  
後已真如者始自束包行脚逮于應世領徒爲法忘  
軀不啻飢渴造次顛沛無遽色無疾言一室脩然安

靜自怡嘗曰衲子內無高明遠見外乏嚴師良友鮮  
克有成器者嗟于二老實千載後昆之美範也與西  
善書

石認恭禪師道行孤峻才刃有餘久依天童宏智禪  
師細大職務靡不歷試一日歸省母母曰汝行腳本  
爲了死生度父母而長爲人主事苟不明因果將累  
我於地下恭曰某於常住毫髮不欺雖一炬之燈亦  
分彼此之用無足慮我母曰然過水得不脚濕怡雲

泰華可夷也飲食可無也而孝不可忘也故大孝同



天地並日月而健行不息大戒曰孝順父母師僧孝  
名為戒則孝可忘乎吾儕梳髮預三寶數者無問貧  
富貴賤唯尚以道唯尚以孝間有父母無親屬共億  
者佛許減衣鉢一分以奉之若不躬父母之養者非  
吾釋之子也叢林公論

牧庵用法師發之金華人見車溪卿公發明大事思  
凡大利學徒奔萃惟恐其後師臨講不預看讀疏文  
偶侍者簽出起止以樂說辯流瀉不竭嘗謂眾曰自  
領徒已來七番講摩訶止觀於正修中未嘗舉口道  
著一字又曰我於大部中欲作箇小難如片紙大亦

作不成所謂文字性離皆解脫也晚主明之延慶一  
日登坐講調御丈夫次忽數士夫至聽師舉唱師曰  
若在儒教論丈夫事如忠臣不畏死勇士不顧生故  
能立天下之大事成億代之顯名乃至不為名利聲  
色所惑溺者皆名丈夫若在吾教則以一心三觀為  
舟航六時五悔為櫓棹降伏諸魔制諸外道是名大  
丈夫尔士夫嘆美而去行業

無畏又法師餘姚人依慧覺壁公得旨後徧歷禪會  
嘗入徑山佛日之室佛日夜坐必召師至命說天台  
旨趣及楞嚴大意深遇之出世清修學者雲集師患



後生單寮縱恣開屋爲衆堂淨凡明牕蒲褥禪板洒  
然有古叢社之風講次見學者膠文相鼓異說歎曰  
天台之道由四明而興亦由四明而廢非聖人復生  
孰能扶持哉識者謂師知言師天資慧利辯說如流  
舉止委蛇與物無忤終身與之游處者未嘗見有喜  
愠之色日課七經夜則宴坐率以爲常創無畏庵歸  
老焉塔銘

十三年

紹興癸亥冬大慧禪師蒙恩北還時育王虛席宏智  
和尚舉大慧主之宏智前知其來多衆必匱食智預  
告知事曰汝急爲我多辦歲計應香積合用者悉倍

則言下

置之知事如所誠明年大慧果至衆盈萬餘指未幾  
香積告匱衆皆皇皇大慧莫能錯宏智遂以所積之  
物盡發助之由是一衆咸受其濟慧詣謝曰非古佛  
安能有此力量慧一日執智手曰吾二人偕老矣爾  
唱我和我唱爾和一旦有先溘然者則存者爲主其  
事越歲宏智告寂大慧竟爲主喪不渝盟也

雪懷

圓覺慈法師解行兼備學者宗之東掖虛席能文二  
師然指請師主之慈至法席鼎盛盛暑講罷歸方丈  
偃息而文適至謂師曰東掖道場世世皆有道者主



之講罷不在懺室即在禪堂未有偃卧自恣者也慈  
聞曰敢不敬命（通經）自後祁寒溽暑殊不少怠（草庵錄）  
南岳讓和尚參六祖有般若多羅識云汝一枝佛法  
從汝邊去向後出一馬駒踏殺天下人在即馬祖是  
也祖出八十四人善知識世人謂之觀音應化凡往  
持皆王臣供給有院主二十年管執常住不置文曆  
一日有司磨勘囚禁在獄乃自惟曰我此和尚不知  
是凡是聖（毛呂吟味）二十年佐助伊今日得此苦毒之報馬祖  
於寺中覺知令侍者裝香端然入定院主於獄中忽  
尔心開二十年用過錢物一時記得令書司口授筆

寫計筭無遺

（通明集）

雪堂行和尚云高庵爲人端動靜有法處已雖儉

與之甚豐聞人有疾如出諸已至於蒼頭厮役躬行

候問聽其所須及死不問囊篋有無盡禮津送其深

慈愛物真末世之良軌（金銀錄）

黃太史與胡少汲書曰公學道頗得力治病之方當

深求禪悅照破生死之根則喜怒哀樂無處安脚疾

既無根枝葉無能爲害投子聰海會演皆道行高重

不愧古人若從文章之士學妄言綺語只增長知見

何益於已事（梅溪集）



機。簡堂機禪師台之仙居楊氏子風姿挺異才壓儒林  
妻年二十五棄妻擊學出世法晚見此庵元禪師密有契證  
出應荒山刀耕火種單丁者一十七年偈云地  
爐無火客囊空雪似楊花落歲窮拾得斷麻穿壞衲  
不知身在寂寥中每謂人曰某猶未穩在豈以住山  
落吾事邪而念道不減在衆之日晝夜參究殊不少  
廢一日偶看斫樹倒地忽然大悟平昔破廢之物泮  
然冰釋未幾有江州圓通之命師曰吾道將行即欣  
然曳杖而去登坐說法云圓通不開生藥鋪單單只  
賣死猫頭不知那箇無思算喫著通身冷汗流大同  
毒茶

拾遺

隱山與靈空書曰沙門高尚大聖慈蔭之力後世紛  
紛者自卑賤之三三兩兩出沒於泉石間其氣象與  
天台巖洞無異頻頻偃樓王公之前得不爲識者掩  
口年來糞火煨芋不起謝恩之風固不復見見一人  
如政黃牛志庵主大似掘地覓天

紹興十三年左修職郎詹叔義上財賦表乞住賣度  
牒朝廷依至三十二年侍郎吳子才上表陳請仍許  
頒賣尋被論以爲佞佛邀福罷歸巖谷宴坐一榻時  
經禪以自餓弄雲泉以自娛仍製一棺夜則偃卧其



中才至分夜令二三童子擊檜而呼曰吳子才歸去  
來三界無安不可住西方淨土有蓮胎吳聞即起禪  
誦如是精進者數年及終命家人曰汝聞乎家人曰  
不聞吳曰汝當斂念而聽悉聞空中隱然有天樂之  
音吳曰清淨界中失念來此金臺既至予則行矣言  
訖而逝雪隱記

寂室光禪師住靈隱日兄往訪之茶湯而退兄意不  
悅知事延至庫堂備食待之光聞曰無故受食他日  
累我在令兄填還而去江筆語

長靈卓禪師命無示立僧法席嚴肅不事堂廚唯安

禪以當佳供夜參以當藥石其間衲子有不任者無  
示告卓曰人以食為先若是則衆將安乎卓愠之曰  
表率安可為此無示云某不爭堂廚教誰爭邪慈航

小乘

孝宗賜佛照禪師手詔曰禪師所奏菩薩十地乃是  
修行漸次從凡入聖夫復何疑方知脚踏實處十二  
時中曾無間斷以至圓熟雜染純淨俱成障礙作止  
任滅脫此禪病當如禪師之言常揮劒刃卓起春梁  
發心精進猶恐退墮每思到此兢兢業業未嘗敢忽  
今俗人乃以禪為虛空以語為戲論其不知道也如



此茲事至大豈在筆下可窮聊叙所得介

靈原齋  
三孫子

慈航朴禪師福州人生于世家忽厭浮幻脫身從經  
師納戒時身心輕安如在空際戒師曰子真得上品  
妙戒矣由是終身持戒嚴甚生天童二十年未有一  
日輒背衆食雖病不違奉己甚約待衆至豐有小師  
知庫畢歸拜師曰某竭力營轉增一倍贏不敢自與  
納之常住師怒曰汝所贏者從巧取不義得之常住  
物乃淨財也豈容汝不義物乎終不納其僧遂之師  
凡童行刺染令入沙彌寮習登壇受戒儀軌及誦遺  
教經方令受具戒受具畢入新戒寮受持三衣一鉢

夜則展坐具披五條而睡復請一精誦戒經者與之  
教授誦至通利方許參堂越二三月夏山門方督掌務  
願遊方者師必欣然動于眉睫贈道具從其行嘗誠  
其徒曰古者爲僧朝廷以試經得度故發心從釋者  
皆英特上行誓求佛果之士也今時佛法淡薄名存  
實亡多資者服方袍資不贍者裨販爲利貪僞捷出  
無所不至一朝得預緇流自謂畢生了辦更不克已  
進修便乃撥無因果虛喪光陰徒消信施皆由不知  
出家正因不明佛法罪淨不解三乘十二分教不達  
一切諸法本空未得謂得未證謂證誦奉貴權干求



應世且無為法身心一味貪嗔造過如斯之徒入我  
法內傷敗壞亂為害滋多佛言譬如師子身中蟲自  
食師子身中肉非外道天魔能破汝既正因出家正  
因為僧須當遠離魔道遵持佛戒若是達道人總不  
消恁麼奈汝積劫至今心識昏倒為僧之初不以三  
衣一鉢種種禁戒制御其心安可入道譬如象馬隴  
悞不調加諸楚毒方乃調伏若不如是異時三塗苦  
重悔將無及我在無示會中凡遇五夜必參誠行者  
我須往聽聞他苦如為人<sub>スル</sub>不覺涕淚俱下凡登無示  
之門聽其奉揚觀其行事雖老於叢林者亦皆汗下

心死蓋耆老和尚生平真實行說俱到四十餘年不  
食非時不畜衣鉢至於持已細行悉徇律制以故所  
至住山不動聲氣自然法席雍肅諸方目曰鐵面汝  
為釋子當抗志慕古依言立行毋隨庸俗無示嘗曰  
我為主法者若不方便教汝攝心為道汝他日無知  
造罪老僧未免同汝受苦今不可使汝無聞聞而不  
行非我之咎不見良禪師靖州人楊岐會下尊宿有  
小師犯戒律臨終入惡道其母夢其子銜恨於師曰  
皆父師不能導我為善致受是苦其母以是夢告於  
良未之信龍圖徐禧德占是時為布衣嘗參扣於



良德占俄夢入一官府兵吏斧鉞森列左右熟視之  
乃良禪師坐於庭下鬼卒以杵撞其背號咷震裂復  
見其小師枷鎖枷械踣踞其側德占問守閤吏曰二  
僧何罪吏曰老者尺少之師以其師平時不能訓導  
縱令破戒故師之罪特重余此猶生報後七日與子  
同墜無間斯為大苦德占夢覺遂詢良之所以乃云  
數日來背痛如擊撞藥不可療七日果卒德占嘗壁  
窠大書于分寧諸刹之壁紹熙間光孝超禪師榜于  
極真天字  
天章行堂壁

法智尊者學行高妙凡所著作莫不立宗旨闢邪說

開慧人心到真實地指要書成雪竇顯禪師特出山  
着齋為慶仍有茶榜具美其事則知在昔禪教一體  
氣味相尚至有如此與今暗禪奪教者非同日語也  
草庵錄

黃龍心禪師南雄人為儒生有聲年十九日盲父母  
許以出家忽復見物遊方謁南禪師雖深信此事而  
不大發明辭往雲峰會峰謝世就止石霜因閱傳燈  
至僧問多福如何是多福一叢竹福田一莖兩莖斜  
偃云不會福曰三莖四莖曲此時頓見二師歸禮南  
公方展坐具南曰汝入吾室矣師亦踴躍自喜即應



百大事本來如是和尚何用教人看話下語南曰若不令汝究尋到無用心處自見自肯吾則埋沒汝也會南入滅道俗請師繼踵四方歸仰不減南公時然師雅尚真率不樂從務五未解去乃得謝事未幾謝師直守潭州虛大瀉以致師三辭不往又屬江西轉運彭器資請所以不應長沙之意師曰馬祖百丈以前無住持事道人相尋於空閑寂寞之濱而已其後雖有住持而王臣尊禮為天人師今則不然挂名官府直遣伍伯追呼此豈可復為也器資以斯言及命師直復致書曰願得一見不敢以住持相屈師與四

余兄  
反命

方公卿意合千里應之不合雖數舍不往師以內外書徵詰開示使人因所服習克已自觀悟真同歸歸則無教諸方警師不當以外書糅佛說師曰若不見性則祖佛密語盡成外書若見性則魔說狐禪皆成密語故四十年間士大夫聞其風而開發者衆矣庭堅宿承記荊堪任大法道眼未圓來瞻牢堵書深安仰之嘆乃勒堅民敬頌遺美塔銘

宏智覺禪師陽州人未遊方時預夢天童之境嘗紀之曰松徑森森窈窕門到時微月正黃昏建炎間謝事長蘆訪真歇寶陀巖及到天童宛如昔夢尋州



府敦請住山師固辭後爲衲子肩至法坐由是黽勉而受居山三十年傳法之外百具鼎新常安千餘衆而齋廚豐衍甲於諸刹衲子得以安然辦道師嘗爲衆行乞吳越人篤信其化金帛之施不求而至師謂諸檀曰汝布施令破慳心毋專施於我後有小寺僧來却願施之或見廢寺窘乏及窮民老弱輩即出衣資施令歡喜師未嘗儲積用盡爲度今有限州僧哲魁者孤硬人也潛跡坐下不言鄉所經十餘載始知宏智鄉人宏智聞欣然訪曰父母之邦何太絕物乎智欲招至方丈魁謝曰已事尚未辦言暇講鄉禮

邪即曳杖而去人莫能挽徑往寶陀真歇故居禪宴月餘日臨終召衆說法而逝闍維舍利無數雪竇誌其事

歐陽文忠公游嵩山放意而往至一古寺風物蕭然有老僧閱經自若公與語不甚顧公問曰古之高僧臨死生之際類皆談笑脫去何道致之僧曰定慧力公曰今寂寞無有何哉僧曰古人念念在定臨終那得散今人念念在散臨終安得定文忠嘆服之林間

爲濟川居士施藏經願文其略曰予之施經一事而



其二施何故以財贖經是謂財施以經傳法是謂法  
施按佛所說財施後世當得天上人間福德之報法  
施當得世智辨聰蓋衆之報當知此二報皆是輪回  
之因苦報之本我今發願願回此二報臨命終時莊  
嚴往生極樂世界蓮華爲胎見佛聞法悟無生忍登  
不退階入菩薩位還來十方界內五濁世中普見其  
身而作佛事以今日財法二施之因如觀音大士具  
大慈悲游戲五道修羅等接他隨類化形說諸妙法永離苦道令  
得智慧普與衆生悉得成佛乃予施經之願也舍經  
碑

佛法滅スハ三度ラ出離スルナシ

北峯印法師戒睡曰佛法欲滅而調養幼身然此臭  
身終爲灰土苟因樹立以致死不亦大丈夫又曰說  
得過人不濟得事須是行得過人若自己分上一點  
用不著雖記得千經萬論如阿難亦何足貴又曰嘗  
與見識人論住持興顯寺門法曰不出勤奉香火常  
住潔白將來人爲事予深喜此說盡理若無識人論  
則汙下趨俗失本色人體矣自行錄

見

資壽總禪師蘇氏元祐間丞相孫女年十五惜不知  
禪之所謂唯疑人處世生則不知來處死則不知  
去相於是斂念忽有所省自不以爲異意其爲最靈

人間五物



者靡不如是亦未嘗以語人及勉從庭闈之命歸西  
徐許壽源無幾何而深厭世相齋潔自如且欲高蹈  
方外抗志慕古遂謁薦嚴圓禪師圓曰闍門淑質何  
預大夫事邪總曰佛法分男女等相乎圓詰之曰  
如何是佛即心是佛汝作麼生總曰久響老師猶作  
者箇語話圓曰德山入門便棒擲總曰老師若行此  
令不虛受人天供養圓曰未在總以手拍香臺一下  
圓曰有香臺從汝拍無則如何總便出圓呼曰汝見  
甚麼道理便與麼總回首曰了了見無一物圓曰者  
箇是未嘉底總曰借他出氣又何不可圓曰真師子

他人コラ借テイキラスルヨウモノ

行脚  
七上思

見時真歇禪師庵於宜興師徑造雲真歇端坐繩牀  
終才入門真歇曰是凡是聖總曰頂門眼何在曰覲  
面相呈事若何總提起坐具歇曰不問者箇總曰蹉  
過了也歇便喝總亦喝總於江浙諸名宿參扣殆徧  
從壽源守官嘉禾唯未見妙喜為念適妙喜俱馮濟  
川舟御氏城總聞之往禮敬而已妙喜謂濟川曰適  
來道人却曾見神見鬼來但未遇鍾鐺煅煉恰如萬  
斛舟在絕潢斷港中未能轉動介滿軒渠曰談何容易  
邪妙喜曰他若回頭定須別翌日壽源命喜說法  
喜顧眾曰今此間却有箇有見處人山僧驗人如

手右母  
如自思  
ナラヌ



開更才見其來便知有無稅物及下坐總遂求道號  
喜以無著名之明年聞徑山法席盛即往度夏一夕  
宴坐忽有契悟頌曰暮然撞著鼻頭伎倆冰消瓦解  
連磨何必西來二祖狂施三拜更問如何若何一隊  
草賊大敗喜復之曰汝既悟活祖師意一刀兩段直  
下了臨機一一任天真世出世間無剩少我作此偈  
證明四聖六凡盡驚擾休驚擾碧眼胡兒猶未曉  
總因入室喜問曰適來者僧祇對汝且道老僧何故  
不肯他曰爭恠得妙總喜舉竹篋云汝喚者箇作甚  
麼總曰蒼天蒼天喜便打總曰和尚他後錯打人去

開更  
連磨  
草賊  
宴坐

在喜曰打得著便休管甚錯不錯總曰專為流通總  
一日禮辭旋里喜曰汝下山去有人問此間法道如  
何祇對總曰未到徑山不妨疑著喜曰到後如何總  
曰依舊孟春猶寒喜曰恁麼祇對豈不鈍置徑山總  
掩耳而出由是一衆歎豔無著之名大著于世晦藏  
既久遂服方袍師年德雖重持律甚嚴苦節自厲有  
前輩典刑太守張安國以師道望命出世資壽未幾  
求謝事歸老家墅焉投機傳

道曇法師常州人於禪定中得慈忍三昧有猿鳥  
供花果乃為受戒說法而去至夜施鬼神食時祝之



曰食吾食受吾法同為法侶年九十餘而四方師事  
受法者皆新學少年師凡閱經炷香九禮趺坐良久  
然後開帙常訓諸徒曰夫窺聖教意在明宗若不  
已虛心爭到如來境界誠匪小緣莫生容易孫仲益  
碑

郭道人世為鐵工常參景德忠禪師忠曰汝但去其  
所重扣已而參無有不辦忠一日上堂舉善惡如洋  
雲起滅俱無處郭於言下忽然心開自是出語異常  
及卒別親故趺坐說偈曰六十二年打鐵日夜扇  
不歇今朝放下鐵鉗紅爐變成白雪類說

請方  
開得  
切

形手正

伊廬權禪師臨安昌化郭氏子幼莊重凝然女成人  
十四得度通內外學依無庵全禪師用工甚銳至晚  
必垂淚曰今日又只麼空過未知來日工夫如何師  
在衆不與入交一詞毅然自勵人莫能親疎之嘗夜  
坐達旦行粥者至忘展鉢隣人以手觸之師感悟為  
偈曰黑漆崑崙把釣竿古帆高挂下驚濤蘆花影裏  
弄明月引得盲龜上釣竿無庵喜以為類已乾道間  
出應萬年宿學老師見其威儀聽其舉揚皆拱手  
醉內外萬指井井然如入官府師所至行道與衆同  
其勞尚書尤公表曰住持者安坐演法何至躬頭隨



行邪師曰不然末法比丘憎上驕慢未得謂得便欲  
自恣我以身師尚恐不從況敢自逸乎近世言禪林  
標準者必以師爲稱首也行狀

東山淵禪師業履端潔聞于叢林自東山遷至五峯  
見火箸與東山所用者無異遂詰其奴曰莫是東山  
方丈物乎奴曰然彼此常住無利害故將至之淵語  
之曰汝輩無知安識因果有互用之罪急令送還  
雲錄

別參印禪師住雪竇日有小師許頭首之過峯厲聲  
怒曰汝是我小師包含上下則可反來說人過惡邪

置之左右必敗吾事遂杖逐之聞者歎曰何其明也  
少雲雜記

淳禪師劍州人出世丹霞宋智爲侍者在寮中與僧  
徵詰公案宋智不覺大笑適丹霞過門至夜參問云  
汝早來大笑何謂答曰因詰僧詰渠答太產生所以  
發笑耳曰是即是汝笑者一聲失了多少好事不見  
道暫時不在如同死人宋智敬拜服膺後雖在暗室  
未嘗敢忽雪隱記

成都昭覺祖首坐久參圓悟因入室問即心是佛從  
此有省圓悟命分坐一日爲衆入室問禪者曰生死



到來如何回避僧無對祖擲下拂子奄然而逝眾皆愕胎亟以聞悟惺至呼曰祖首坐祖復開目悟曰對撒精神透關去祖復點頭竟尔長寢東林顏光祿其事

韓退之曰且愈不助釋氏而排之者其亦有說至於歐陽永叔曰佛法為中國患千餘歲世之卓然不惑而有方者莫不欲去之已嘗去矣而復大集攻之暫破而愈堅撲之未滅而愈熾遂至於無可奈何一皆欲壯其儒道雖排之破之實敷揚吾釋氏之道何害之有公論

頃

舒王問佛慧泉禪師曰禪家所謂世尊拈花出自何典泉云藏經所不載王云頃在翰苑偶見大梵王問佛決疑經三卷因閱之經中所載甚詳梵王至靈山會上以金色波羅花獻佛捨身為牀坐請佛為說法說法世尊登坐拈花示眾人天百萬悉皆罔措獨葉破顏微笑世尊云吾有正法眼藏涅槃妙心分付摩訶迦葉泉嘆其博究梅溪集

秦國夫人計氏法真因真處屏去紛華蔬食弊衣不形也有為法於禪宗未有趨嚮因徑山太慧遣謙禪者致問其子魏公浚公留謙以祖道誘其母真一日問謙



白徑山和尚尋常如何爲人謙白和尚只教人看狗子無佛性只是不得下語不得思量卜度只舉狗子還有佛性也無州云無只恁麼教人看真遂諦信以狗子話晝夜參究坐至中夜俄有契連作數偈呈於大慧其後云終日看經文如逢舊識人莫言頻有該一舉一回新語錄

神光者磁州人曠達之士也居伊洛博覽羣書善談玄理每歎曰孔老之教禮術風規經論之詮未盡妙理近聞達磨大士住止少林至人不遙當造玄境光乃往彼晨夕參承大士唯端坐面墻莫問師語光自

惟曰昔人求道敲骨取髓捨身求偈古尚若此我又何人其年十二月九日夜大雪光立于庭中暹明積雪過膝師憫而問曰汝立雪中當求何事光悲淚曰惟願慈悲開甘露門廣度羣品師曰諸佛無上妙道積劫勤求難行能行難忍能忍汝豈以小德小智輕心慢心欲覩真乘乎光聞師誨潛取利刀自斷左臂還師前師知是法器乃曰諸佛最初求道爲法忘軀汝今斷臂吾前求亦可在因與易名曰慧可光曰諸佛法印可得聞乎師曰諸佛法印匪從人得光曰我心未安乞師安心師曰將心來與汝安光曰覓心



了不可得師曰與汝安心竟此即契悟傳燈

永明壽禪師先丹陽人父王氏因廢兵寇歸吳越為

先鋒道軍遂居錢塘師生有異才及周父母有諍人諫不

從輒於高樹奮身于地二親驚懼抱泣而息諍長為

儒生年三十四往龍興寺出家受具後苦行自勵唯

一食朝供衆僧夜習禪法尋往給之天竺奉九旬習

定有尺鷃巢于衣袂道本謁部國師一見深器之密授

玄旨仍謂師曰汝與元道本師有緣他日大興佛事初住

明之資聖至建隆元年道本王請居靈隱新寺為第

一世明年請居永明道場衆盈二千皆頭陀上行願

為僧者師即奏王與度牒道本剌染因僧問如何是永明

旨師示偈曰欲識永明旨道本西湖一湖水日出光明生

風來波浪起又僧問學人久在永明為甚不會永明

家風師曰不會處會取僧云不會處如何會師曰半

胎生象子碧海起紅塵開寶七年謝事歸華頂峯道本

曰渴飲半掬水飢食一口松曾中無一事高卧白雲

峯偶讀華嚴至若諸菩薩不發大願是菩薩道本魔事遂

撰大乘悲智願文代為羣迷日發一徧在國清修懺

至中夜旋繞次見普賢像前供養蓮華忽然在手從

是一生散華供養感觀音大士以甘露灌口獲大辨



才著宗鏡一百卷寂音曰切莫大觀之其出入馳騁  
於方等契經者六十本參錯通貫此方異域聖賢之  
論者三百家領略天台賢首而深談唯識率折三宗  
之異義而要歸於一源故其橫生疑難則鈎深蹟遠  
剖發幽翳則揮掃偏邪其文光明玲瓏縱橫放肆所  
以開曉自心成佛之宗而明告西來無傳之的意也  
禪師既寂叢林多不知名熙寧中圓照禪師始出之  
普告大眾曰昔菩薩時無師智自然智而專用衆智  
命諸宗講師自相攻難獨持心宗之權衡以準平其  
義使之折中精妙之至可以鏡心於是衲子爭傳誦

之元祐間寶覺禪師年臘雖高猶手不釋卷曰吾恨  
見此書晚矣平生所未見之文功力所不及之義備  
聚其中因撮其要處爲三卷謂之真樞會要世盛傳  
焉後世無是二大老叢林無所宗尚舊學者日以  
墮絕口不言晚至者日以塞游談無根而已何從  
知其書講味其義哉脫有知之者亦不以爲不遇  
以謂祖師教外別傳不立文字之法豈當復刺首文  
字中耶彼獨不思達磨已前馬鳴龍樹亦祖師也而  
造論則兼百本契經之義泛觀則借讀龍宮之書達磨而興者觀音大寂百文等集亦祖師也然皆三



藏精微該練諸宗今其語具在可取而觀之何獨達  
磨之言乎聖世逾遠衆生根劣趣慮褊短道學苟簡  
其所從事欲安坐而成譬如農夫墮於耕耘垂涎仰  
食爲可笑也師嘗願曰普願十方學士一切後賢道  
富身貧情踈智密闡揚佛祖心宗開鑿人天眼目實  
錄等

藏精微該練諸宗

古之人以修心爲要心之正  
毋越思言斯鳴道使夫後進其  
可師模有何禪教律儒釋道之  
異也蓋至公則天下共之四明  
禪者秀公篤志于此履歷叢林  
玄機綜覽隨所聞見集成此書



宋  
理宗

闢人天眼目因以寶監名焉夫  
大圓覺求之刊行非獨發明先  
輩幽德潛光將與同志力追此  
道予嘉其說遂跋其後云嘗紹  
定庚寅自怨前一日古岑比丘  
所書于萬壽歸雲堂

其人亦詳

秀書記集古成書曰  
人天寶鑑諸君  
遂下一轉云先德精  
知已石子顏形堪為井  
更樊欄木末一點明

同二語

ソラノ底ノアツキ

ナルコラ

井戸ガハ

空  
五  
段

八  
三



本日胡漢仍雪自照

「東六胡現候美六候現スル云一モナリ」

看<sup>セ</sup>紹定庚寅中秋

住<sup>ス</sup>雲隱

廿<sup>カニ</sup>五

善慧軒



人天寶鑑金冊

五<sup>ノ</sup>板

東福寺山内瓢菴守仙大徳尚  
書入江澤也

大正六丁巳歲孟秋九月七日修

明治四十六年



本日胡漢仍雪自照

丁未六朝現侯未六候現スルト云フモナリ

看<sup>セ</sup>紹定庚寅中秋

任<sup>ス</sup>雲隱

サ<sup>セ</sup>人地<sup>カ</sup>素

善慧軒



人天寶鑑金冊

五<sup>ノ</sup>板

東福寺山内瓢菴守仙大和尙  
書入<sup>レ</sup>江<sup>ノ</sup>中<sup>ニ</sup>

大正六丁巳歲孟秋九月七日修ス

明治四十六

ウチヤナリ



